

Menor di edad ataca pa cacho riba caya



Pagina 2

- **Mañan tin encuentro literario y cultural na Biblioteca Nacional Aruba**
Pagina 2
- **Prome minister Wever-Croes a reuni cu premier Mark Rutte riba refinanciamiento di debe**
Pagina 6
- **Jamie Foxx ta priminti pa papia tocante su salud durante speech di AAFCA**
Pagina 12

Falta di personal den ploeg y prijs pa huur baki di desperdicio por ta contribuyendo na susedad di Aruba



Pagina 3



Campeonato futbol femenino U17 a continua cu victoria pa RCA, Estrella y Britannia

Pagina 17

Mas cu 6 den cada 10 adulto ta duda di Biden su capacidad mental



Pagina 18

Mañan ta bay tin encuentro literario y cultural na Biblioteca Nacional Aruba

Mañan 6 di maart for di 6.30p.m. pa 9.00p.m ta bay tin un actividad literario, cultural y linguistico na Biblioteca Nacional Aruba, na caya George Madurostraat 13, den cuadro di celebracion di diferente fiesta hunto.

Biblioteca Nacional Aruba, Departamento di Cultura Aruba hunto cu gestor cultural Mirto Laclé ta bay presenta un programa multifacetico cu enfoke riba literatura, poesia, declamacion, canto, baile, musica, cultura y educacion en general.

Ta bay tin invitadonan special cu lo comparti nan pasion pa arte den e disciplina di arte cu cada un di nan ta eherce, entre otro, obranan artistico musical, arte di fotografia, arte di filmacion, tomo di poesia, y presentacion di dos obra literario.

Autor y poeta Ariana Koolman Chirino ta bay deleita esnan presente cu algun poesia dedica na celebracion di Dia Internacional di Hende Muhe.

Maybelline Arends-Croes y su coro ta bay presenta cu algun cancion y Vivian Lampe ta bay toca piano.

Musico, autor y 'motivational speaker', Ashok Hirdaramani, naci na Sri Lanka y cu tin 43 aña biba na Aruba, ta bay presenta su buki *Passion - Amazing - Mindset*, e pro-



logo ta skirbi pa Wini Paulo, filosofo, poeta, autor di *Corsou*, e buki ta trata temanan manera 'Change and create

the life you truly desire. Discover a new synthesis to unfold the real secret to manifest and attract abundance'.

the life you truly desire. Discover a new synthesis to unfold the real secret to manifest and attract abundance'.

Roberto Croes ta bay ta presente cu su ultimo tomo di poesia *Sentimento IV* cu ta un coleccion di poesia basa riba amor. E poesianan aki ta muestra cu bida tin su proposito y cu mester biba e bida cu amor, cu fe, cu dignidad, cu humildad y cu respet.

Jossy Farro, un Arubiano biba pa varios aña na Hulanda ta bay presenta un obra fotografico, dedica na pianista Livio Hermans (d.f.m.) Un potret saca pa Jossy Farro na Aruba durante un actividad na Biblioteca Nacional Aruba cu cual el a obtene e prome premio di foto di luna februari participando pa Fotoclub de Zoeker na Hulanda cu e tema Zonido.

E anochi aki tin presentacion di grupo musical forma pa Ashok Hirdaramani and friends cu ta bay interpreta salsa y musica di Carlos Santana.

Luna di maart ta un luna yen di celebracion, como Dia Internacional di Hende Muhe, Dia di Himno y Bandera, Dia Internacional di Poesia y na April Dia Internacional di Derecho di Autor. Entrada pa e actividad aki ta gratis. Por tuma contacto cu Mirto Laclé, cel. 7426274

Menor di edad ataca pa cacho riba caya

Na mas di un ocasion ariba rednan social como tambe den medianan di comunicacion por mira noticia cu cachonan riba caya ta ataca otro cachonan y hende. Un problema cu ta keda persisti mientras cu doñonan di mascota no ta tene nan mes na reglanan y ley di cacho.

Lamentablemente un otro caso di atake di cacho a sucede diadomingo atardi pa anochi den area di Oranjestad. Ta trata di un menor di edad cu a wordo ataca pa un cacho cu tabata riba caya.

E cacho aki ta un cacho cu tin doño, pero cu ta keda cana pafo di cura hunto cu otro cachonan. E cacho aki na mas di un ocasion a yega di tira pa morde riba otro personanan cu ta pasa canando den e caya unda e ta biba.

E biaha aki e cacho en cuestion a ataca e menor di edad, cu tambe ta biba den e mesun caya aki. E mucha a sali pa



hunga pafo un rato y e cacho a acerc'e y a tira riba dje y a morde na su bil y su batata di pia.

Mayornan di e mucha mesora a yama polis cu a presenta na e sitio y a tuma e informa-

cion necesario y mirando e severidad di e atake, a indica e mayornan pa hiba e mucha hospital di biaha.

Mayornan di e mucha a conta cu e cacho a morde e mucha fuerte y mester a cose algun

di e heridanan pasobra nan tabata profundo y grandi.

Manera ta conoci, e ley di cacho, "Hondenverordening" ta existi desde 1988 den e registro central di ley di Aruba. Tambe ta conoci cu mayoria

di e cachonan riba caya tin un doño, of nan tin un adres of un bario caminda nan por haya cuminda cual nan ta considera e ora como nan cas.

Tabata na 2012 cu e kehonan di cachonan riba caya, cu of sin doño, a yega na tal extremo cu a dicidi di renoba e ley existente; pa por atende cu doñonan cu no ta tene nan cachonan den cura. E ley di cacho revisa a bay na vigor dia prome di januari 2015.

Den e ley ta stipula cu e ciudadano cu ta doño of 'houder' di un cacho ta obliga y tin e responsabilidad pa tene su cacho den cura, of si no tin cura, na e reglanan stipula. Su autoridad ta dirigi riba decisionnan cu e por of mester tuma na bienestar di su mascota.

Te ainda tin doñonan di mascota cu no ta respeta e ley di cacho y ta laga nan cachonan cana riba caya cu consecuencia cu e cachonan ta ataca hende y otro cachonan.

Falta di personal den ploeg y prijs pa huur baki di desperdicio por ta contribuyendo na susedad di Aruba

Manera Bon Dia Aruba a publica den su edicion di ayera dialuna, den fin di siman ultimo redactor a core rond y a bin topa varios sitio unda hendenan ta benta sushi di manera ilegal riba e caminda, pa esaki, a bay investiga cuanto ta e costo cu un ciudadano mester paga pa por deshaci di desperdicio.

Ta asina cu ta tira diferente sorto di materia ta ser laga atras den area di Cascabel Airfield na San Nicolas e fin di siman ultimo sin mira e consecucionan y peliger cu esaki tin tanto pa naturalesa como pa e bestianan cu ta cana rond ey banda.

E camindanan aki ta uno cu tanto local como turista ta usa pa asina yega Grapefield of pa pasa un rato den naturalesa, como tambe ta un area unda cu tin hopi bestia ta cana rond.

No ta conoci si ta pa motibo cu a cera e dump di Parkietenbos of cu den e area aki cu tin persona ta biba y ta djis benta e sushi mirando cu ta cerca y cu no mester bay benta esaki na unda e mester bent'e legalmente. Hopi di e material aki no por disolve cu e naturalesa manera mata y carton, nan ta keda forma un peliger tanto pa medio ambiente y hende mes. Tin entre otro asbest, zink, paña, coy hunga bieu, cosnan di auto, entre otro, pa varios biaha diferente luga a pega na candela pa asina baha e cantidad di sushi, pero mester bin un solucion structural pa e sitio aki.

Waste redirection ta un campaña cu minister di Medio

Ambiente Ursell Arends a bin cuney aunke e ta purbando di haci su best, e resultado ta otro. Ademas di esey, por a compronde cu tin solamente 5 ploeg cu ta dedica pa haci limpi tur e luganan rond di Aruba segun meldingnan cu ta drenta na Bureau City Inspector, loke ta nifica cu mester di mas hende pa por haci e trabou aki.

Coleccion di sushi residencial y comercial ta sigui normal hasta a bin cu hunto cu tur partners cu ta colaborando, un parke pa separacion di desperdicio cu ta den rotacion den cada distrito pa yuda hogarnan cu e transicion desde ceramento di Parkietenbos.

Cu Baki den Bario, ta purbando di stimula habitonan di separacion di desperdicio a base di tipo, grupo, of producto den hogarnan. Baki den Bario no ta habri pa desperdicio comercial, "solamente pa residencial" y solamente pa e siguiente producto of materialnan: metalnan, e-waste, greenwaste, carton, taira, azeta di cushina, desperdicio di construccion reciclabel y desperdicio mescla.

Den 2023, un total di 4998 vehiculo a trece nan desperdicio na e campaña di Baki den Bario, mientras pa dia 23 di maart e campaña aki ta bay ta presente na San Nicolas na e veld dilanti Pitstop/BENU Pharmacy, pa dia 20 di april ta bay back na Noord, na e veld di Bubali y 25 di mei na parkinglot Nadi Croes & Crismo Angela di Santa Cruz, tur di nan for di 7or di mainta te cu 11or di mainta segun loke minister Arends a anuncia recientemente.

Si tin algun articulonan cu ta considera cu por ser reusa, Fundacion Pa Nos Comunidad ta acepta donacion.

Cu esaki, no solamente kier muestra cu un solucion t'ey y no djis bay benta sushi un caminda leu unda algun instancia por wak y duna boet, aunke esey ta e caminda mas facil pa cierto ciudadanonan cu ta susha e isla.


Tambe, un di motibonan di pakico esaki ta sucede por ta debi na e prijsnan di bari nan cu no ta accesibel pa tur hende, como por ehemplo, EcoTech ta mancha diferente prijsnan pa huur baki pa benta desperdicio afo, un baki grandi su prijs ta di 645 florin pa cinco dia, pero den dje no ta permiti pa tira desperdicionan di construccion, pa esey mester usa un otro tipo di baki cu tin un costo di 1050 florin, prijsnan cu no tur ciudadano ta dispone di dje y esey por ta un di e motibonan di pakico e ciudadanonan ta dicidi di benta sushi rond di e isla.

Serlimar na e momentonan aki no ta huur bakinan pa e desperdicionan aki ya cu nan ta den proceso di ahustacion di prijsnan y te ainda no ta conoci kico ta bay ta e tarifanan nobo pa bakinan grandi, mientras tanto, nan tin disponibel e servicio normal di recoge sushi den tur distrito.

Un solucion cu por yuda tambe ta e opcion di e plataforma FIXI, ora ciudadanonan ta topa cu dump ilegal riba caminda por meld esaki riba e plataforma di manera gratis.

Pa por haci un rapport riba FIXI ciudadanonan mester conta cu un smartphone pa por download e aplicacion gratis riba nan telefon via App Store of Google Play y crea un perfil di usuario, den otro caso, tambe por hacie cu un computer riba e website: www.fixi.aw

Proceso di raporta ta facil:
 1) Observa un situacion
 2) Sacu potret
 3) Skirbi un reportahe cortico di e situacion
 4) Manda e reportahe
 5) Bureau City Inspector (BCI) instancia encarga pa dirigi e aplicacion ta ricibi y redirigi e rapport pa instancia concerni si ta necesario.
 Si ta observa cualkier di lo siguiente, lo bo por raporta esaki cu Fixi:
 • Dump ilegal of hende ta



- deshaci di sushi ilegalmente
- Ta deshaci awa preto riba tereno publico of den dam
- Hende ta deshaci di kimico riba tereno publico
- Ta sospecha individual of compania di deshaci di kimico peligroso (venenoso) riba tereno publico, of riba tereno priva sin tin permiso.
- Wacharaca di auto riba tereno publico

The screenshot shows the Fixi app interface with the following elements:

- Header: "fixi" logo, "Tocante Fixi", and "Feedback tocante Fixi".
- Buttons: "+ Reporta un problema" and "Muestra mi problemanan reporta".
- Section: "Problema".
- Form fields:
 - "Ubicacion di e problema *": "Yena y selecta e number di e caya of primi riba e mapa".
 - "Detaye di adres": "Por ehempel: riba e area di parkeer (opcional)".
 - "Descripcion di e problema, Nota *": "Por ehempel: Tin tres saco di sushi den e area di parkeer di e supermercado".
- Image upload: "Agrega potret" button with a camera icon.
- Footer: "Comparti e detayes ariba riba e mapa publico" checkbox.

Yamada di accion pa doñonan di propiedad na San Nicolas y Oranjestad

Minister Wever: “Permiso di negoshi, specialmente pa loke ta San Nicolas y Oranjestad ta esunnan cu tin prioridad pa nos”

Ayera mainta minister di Asuntonan Economico, Comunicacion y Desaroyo Sostenibel, Geoffrey Wever, a tene un conferencia di prensa na unda el elabora ariba e “call to action” na tur comerciante y of propietario di edificionan den centronan di ciudad na Oranjestad y San Nicolas.

Siman pasa minister Wever tabata den un conferencia di prensa hunto cu KvK y VNO pa anuncia e Aruba Investment Summit cu lo ta tumando luga na Den Haag dia 21 di maart pa purba atrae inversionistanan Hulandes pa wak oportunidadnan economico na Aruba.

El a indica cu pa hopi tempo tin diferente areanan, entre otro na Oranjestad y San Nicolas cu ta bayendo den un direccion cu mester intervencion pronto di gobierno pa yuda desaroya e areanan aki.

E mandatario a remarca cu den e areanan aki tin hopi edificio bandona y hopi cu ta cera y cu no tin uso comercial mas. “Nos a pensa cu durante e summit aki na prome luga nos kier muestra e desaroyo economico cu Aruba a pasa despues di Covid, con nos a recupera, y tambe muestra e inversionistanan e oportunidadnan cu inversion den economia di Aruba ta ofrece,” el a subraya.

Minister Wever a splica cu e vision ta pa transforma e area di Oranjestad den un centro gastronomico caminda cu tin vivienda, entretenimento, actividadnan, retail.

Esnan cu ta demostra pa showcase nan propiedad, hendenan cu tin un propiedad cu ta bandona pa hopi aña, cu no tin un meta economico mas y cu ta dispuesto pa huur of bende, of por ta e personanan aki ta buscando un partner strategico of inversionista pa desaroya un proyecto, por manda tur informacion pa asina durante e summit na Hulanda por purba match e iniciativanan di e sector priva na Aruba cu esnan na Hulanda cu kisas ta interesa den haci un inversion na Aruba.

Esnan interesa por registra



nan propiedad of manda nan idea na e e-mail info@investinaruba.com pa showcase esaki durante e investment summit.

Propiedadnan den e centronan di ciudad di San Nicolas y Oranjestad, sea terenonan bashi, structuranan bandona, of espacionan sub-utilisa, ta representa potencial pa explora. Informacion tocante e propiedadnan aki ta importante, nan disponibilidad, condicion, y e interes di nan doñonan pa bende, huur, renoba, of colabora pa establece negoshinan unico dentro di nan edificio.

“Nos ta custumbra di profila nos mes como e destinacion turistico. Awo nos ta bay showcase Aruba na Hulanda como e pais pa haci inversion tambe. E iniciativa aki no ta solamente pa identifica propiedadnan disponibles, pero tambe ta fomenta un dialogo entre doñonan di propiedad y potencial inver-

sionistanan, creando partnershipnan cu lo sirbi como e fundeshi pa revitalisacion di nos centronan di ciudad,” minister Wever a resalta.

Contestando pregunta di miembro di prensa, minister Wever a splica cu pa hopi tempo hopi edificio ta bandona y esey ta hustamente e meta di e investment summit. El a señala cu tin hopi real estate bandona cu por wordo converti y/of renoba den vivienda parti ariba y retail of horeca parti abao, tanto na San Nicolas como Oranjestad.

“Nos ta wak e cifranan di turismo ta hopi positivo y nos ta kere ta bira tempo pa purba redirigi e parti turistico pa e areanan di San Nicolas y Oranjestad y ofrece algo diferente,” el a resalta.

Un miembro di prensa a puntra pakico a scoge pa bay Hulanda pa wak si tin inversionista interesa den Aruba,

siendo cu mayoria biaha Mericanonan ta esunnan cu ta muestra interes den inverti na Aruba.

Den su contesta minister Wever a splica cu den e caso aki e idea ta cu nan no ta enfoca den e sector hotelero, pero ta enfoca mas bien den e centronan di ciudad, y esey ta un escogencia cu nan haci. El a indica cu nan por a scoge pa bay cu e mercado Mericano, pero el a resalta cu pa motibo cu pa hopi aña no tabatin intento pa fortifica e relacion comercial entre Aruba cu Hulanda, cu esaki ta un bon momento pa haci esey.

Ariba e pregunta tocante ki tipo di inversionista Aruba kier atrae cu e summit aki, e mandatario a splica cu nan kier atrae inversionistanan cu ta dispuesto pa yuda den e desaroyo di e centronan urbano y cu ta bisa cu nan ta wak oportunidad economico den por ehemplo e sector horeca den centro di ciudad, of

den vivienda.

“Nos ta buscando inversionista cu ta pensa ariba sostenibilidad y cu kier contribui na inversion cu ta reduci e impacto riba medio ambiente, e inversionista cu ta pensa mas den desaroyo economico y cu ta kere cu mester cambia modelonan di haci negoshi,” el a enfatisa.

El a agrega cu den e intento aki nan ta enfoca pa mas o menos 100 persona participa, hunto cu un grupo cu lo participa virtual, pero nan ta realisa cu esey no ta significa cu nan ta bay yega na 100 transaccion, pero e meta ta pa haya algun cu ta dispuesto pa bin Aruba y asina ta cuminsa traha riba e desaroyo ey.

Miembro di prensa presente a trece pa dilanti e punto cu den pasado tabatin hopi inversionista tabata interesa pa inverti y haci negoshi na Aruba, pero e proceso pa pidi permiso y haya un permiso di inversionista na Aruba y tur rekisitonan tabata un obstaculo grandi. El a puntra si e situacion aki ta bay flexibilisa of si den e caso aki e ta bay ta diferente pa Hulandesnan

Minister Wever a splica cu ya caba nan a flexibilisa e maneho di permiso di negoshi, a elimina diferente rekisito cu no ta mas di e tempo aki y cu ta causa cu e inversionistanan ta perde mas tempo ta aplica pa un permiso cu e meta pa e permiso sali mas lihe.

El a remarca cu pa loke ta e area di San Nicolas y Oranjestad nan a amplia e posibilidad pa haya permiso, pues pa esnan cu ta pidiendo permiso pa haci negoshi den Oranjestad y San Nicolas no tin ningun problema y e proceso e ta bayendo hopi lihe y completamente digital. El a indica cu nan tin un target di 10 dia pa e permiso sali, pero esaki no ta logrando pa entre otro falta di personal.

“Permiso di negoshi, specialmente pa loke ta San Nicolas y Oranjestad ta esunnan cu tin prioridad pa nos y nos a pone den nos maneho como un area determina unda cu si bo inverti bo permiso ta sali mas lihe cu ta posibel,” el a enfatisa.

Editor

Caribbean Speed Printers N.V.
 Aruba Bank N.V. Acc. #332668
 Caribbean Mercantile Bank N.V.
 Acc. #23951903
 RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
 Angenette Figuero (closer editor)
 Leo Maduro
 Andreina Morillo
 Raisa Montilla
 Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
 accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
 Pablo Libre

Press

Roland Schenker (Hefe)
 Omar Ramirez
 Martin Boekhoudt
 Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
 di Prensa (SIP)

DIRECCION

Adres: Weststraat #22
 Tel: 582-7800
 Email: noticia@bondia.com
 aviso@bondia.com
 info@bondia.com
 Website: www.bondia.com
 Facebook: @bondianoticia
 Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Dia Internacional di... Cualquier cos...?

Dia internacional tin pa un sin fin di asunto y causa. Dificil pa pensa di algo pa cual no tin un dia internacional. Hopi di nan ta termina cu un mencion den prensa, talvez algun celebracion dependiendo di e tema, pero e no ta yega na mas cu esey. Cu e resultado cu cada vez mas hende ta reacciona cu un simple: "Dia di? Anto kico?" Sin embargo, esey no ta conta pa tur. Nos por pone un banda e dianan internacional manera di Mama y Tata, cu no ta requeri cu algo lo mester tuma lugar pa cambia un cierto situacion y cu mas cu tur ta dianan di exito comercial grandi; nan t'ey pa keda.

Un di e dianan internacional cu sigur mester celebra ta Dia di Hende Muher, e siman aki, dia 8 di maart. Pakico? Pasobra esaki ta un di e asuntonan clave den bienestar di nos comunidad. Hende muher, a pesar di ta representa mas o menos mitar di nos poblacion, den bida diario ta carga e peso mas grandi dentro di mayoria di famia. Nos por a mira un desaroyo internacional den direccion di hende muher participando mas den economia, cu trabao pafor di hogar. Esey nos a mira tuma lugar na nos isla tambe. Esey no necesariamente a conduci na un alivio pa hende muher den nan tareanan na cas, mas bien el a significa cu hopi hende muher tin dos job: un cu ta paga y e otro no. Esey ta e caso pa hopi hende muher cu tin un pareha, y pior ainda pa esnan cu ta tata y mama pareu y ta cargando tur peso di famia na trabao y na cas. Ta ironico pa mira cifra oficial di e 'participacion laboral' di hende muher riba mercado laboral, como si fuera un logro grandi, mientras cu tur hende por comprende masha bon cu e gran mayoria no ta traha pasobra nan kier, na promer lugar, sino pasobra nan mester. Den un situacion di un pareha mes, mas tanto ta necesario pa ambos traha, y esun cu ta soltero, o soltero cu yiu, mas ainda. Pero esey ta implica cu e participacion laboral no tin aspecto positivo? Esey sigur cu si. Nos por mira por ehemplo cu mas y mas hende muher ta penetrando den e categorianan mas halto di trabao bon paga y cu responsabilidad grandi. Entre otro esey tin un relacion cu e hecho cu relativamente hopi mas hende muher ta studiando y graduando di estudionan na nivel HBO y universitario. Di banda di hende muher esey ta positivo, pero ta importante señala cu e desaroyo positivo ey ta bay acompaña pa e fenomeno di hende homber, cu pa un proporcion dramático no ta termina nan estudio avanza. Si nan bolbe na Aruba nan no ta cualifica pa cierto trabao cu ta requeri un diploma y nan ta depende di

otro circunstancia pa logra yega na un carera satisfactorio. Di e banda ey mira, ta bon cu hende muher si ta duna mihor prestacion, aunke no semper esey ta significa cu den nan trabao nan ta logra loke nan ta desea, pasobra ainda nos no ta mira un representacion igual den e puestonan mas halto, tanto den sector priva como den sector publico, pues tin trabao pa haci ainda.

Pa bolbe na e situacion den hogar, manera menciona anteriormente den hopi caso ta e ser femenino ta carga mayor peso di trabao y responsabilidad den cas. No ta cuestion di djis lamenta esey y sugeri cu ta 'cultura' o 'tradicion', o ambos. Den tur sociedad tin cierto cos ta cambia, pakico esaki no. Si 50 aña pasa nos lo a presenta e realidad di awe, unda mayoria di hende muher tin trabao pafor di cas, nos no ta kere cu tabatin hopi hende cu lo a kere esey. Si 50 aña pasa lo a bisa hende cu no lo tabatin famia asina grandi mas, di 10 o mas yiu, y cu nos lo a yega na e punto unda tin mas hende ta fayece cu tin mucha ta nace, manera e caso na 2023, ningun hende lo a kere. Pero, pakico cierto cambio ta necesario?

Pa por remedia e situacion dificil crea pa e cambianan economico di ultimo decadanan. Desaroyo economico por trece prosperidad financiero, ademas solamente pa esnan cu un entrada considerable. Pa gran parti di pueblo e experiencia ta cu, segun salario ta crece, nivel di prijs ta subi mas rapido... Y, esey no ta resolve e cambianan demografico y social di un sociedad cu mester re-inventa su mes, cu un composicion poblacional totalmente diferente. E tipo di adaptacion social y cultural aki ta tuma tempo, hopi mas cu e cambio economico a tuma. Tras di e euforia pasobra nos a surgi como e modelo di exito den turismo, ta bin tur e problemanan, especialmente pa e famianan, mas specifico pa esunnan di ingreso mas modera. Esaki ta resulta entre otro den un grado halto di divorcio, un grado halto di separacion di relacion cu no ta ni yega na matrimonio, violencia den hogar di cual mas tanto ta hende muher y mucha ta sufri.

E pregunta cu ta keda ta: Kico nos ta haciendo cu tur esaki? Segun nos opinion, ta sucediendo algo pero no suficiente. Por ehemplo, nos no ta tende nada mas di e extension di orario di scol pa duna mama (y tata) un alivio den e oranan importante di atardi. Pakico no tin placa pa esey? Envez di djis vocifera hubilo riba dia di cualquier cos, puntra kico nos ta bay haci, cu e probleman primordial...

Prome minister Wever-Croes:

Gobierno ainda mester busca informacion pa sigui negociacion riba refinanciamiento di debe

Prome Minister Evelyn Wever-Croes despues di e conferencia di 'Overseas Countries and Territories Association (OCTA) cu a tuma luga na Bruselas cu siman pasa, na unda cu el a tuma e encargo di Presidente di Octa pa e aña aki, a regresa Hulanda pa diferente reunion entre otro cu Premier Mark Rutte, Secretario di Estado Alexandra van Huffelen, Minister Rob Jetten, y cu

Eerste Kamer y Tweede Kamer.

Diabierna prome di maart, Prome Minister, Minister di Economia Geoffrey Wever y Minister Plenipotenciario Ady Thijsen a reuni cu Secretario di Estado Alexandra van Huffelen. Aruba ta na mesa di negociacion riba e tema di e refinanciamiento di debe y ta sigui traha riba esaki.

Prome Minister a indica cu ainda tin algun informacion



cu Gobierno mester busca pa asina sigui combersa-

cionnan riba e tema den e dianan venidero. Importante

ta, Prome Minister a expresa, cu Gobierno di Aruba ta na mesa y ta purbando di sali afo pa baha e interes di 6.9% cu Aruba mester bay paga riba e debe di Covid.

Secretario di Estado van Huffelen lo bishita Aruba dia 20 di maart proximo pa diferente reunion y Gobierno lo continua cu e reunion riba e tema di debe di Covid cu e Secretario di Estado.

Mocion pa sondea posibilidad pa amplia opcion di escogencia di veterinario ora di sterilisa cachu y pushi aproba unanimamente



Setty Christiaans-Yarzagaray, miembro parlamentario di fraccion di MEP, durante un reunion publico teni riba diamars ultimo tocante 'Ontwerp-landsverordening tot vaststelling van de begroting van het Tourism Product Enhancement Fund (TPEF)' pa aña 2024, a entrega un mocion cu a wordo aproba unanimamente.

Christiaans-Yarzagaray ta indica den un comunicado di prensa cu e problemaa di cachu y pushi riba caya na Aruba ta creciendo, y considerando tambe cu for di e fondonan di TPEF ta asigna un suma pa un periodo di

tempo caba pa contribui cu Fundacion Stimami Sterilisami, a bin cu un iniciativa di un mocion.

Stimami Sterilisami ta lucha contra e problematica di cachu y pushi riba caya door di nan campaña di conscientizacion pa sterilizacion y asistencia financiero pa sterilisa cachu y pushi na Aruba.

Usualmente, Stimami Sterilisami ta duna e oportunidad na pueblo pa scoge nan veterinario di preferencia pa e proceso di sterilizacion. Sinembargo, den e circunstancianan actual, pueblo solamente por scoge un veterinario pa e proceso di ster-

ilizacion. Basa riba pregunta cu Parlamentario Yarzagaray a haci durante e reunion a bin comprende cu e motiho di e decision aki ta basa riba prijs entre e veterinarianan.

Den opinion di Yarzagaray, esaki por limita e acceso na e servicio pa e ciudadanonan, ya sea pa motibo di distancia of preferencia personal di veterinario cu por traha contrario na e meta pa combati e problematica di cachu y pushi riba caya.

Mocion

P'esey, e mocion ta urgi gobierno di Aruba pa investiga y dialoga cu fundacion Stimami Sterilisami tocante e posibilidad di amplia e opcion di escogencia di veterinario door di establece un plafond riba e costo di sterilizacion basa riba e prijs mas abou cu ta ser brinda.

Esaki lo brinda e flexibilidad necesario pa e ciudadanonan por scoge nan veterinario di preferencia of uno mas accesibel pa nan, aumentando asina e posibilidad pa sterilisa cachu y pushi na Aruba.

E mocion a pasa pa orden di dia cu un stem advies positivo di parti di e minister conserni, cu ta minister Oduber, y ta spera cu ta tuma accion rapido pa enfrente e problematica creciente di cachu y pushi riba caya na nos isla, Parlamentario Christiaans-Yarzagaray a indica.

Prome minister Wever-Croes a reuni cu premier Mark Rutte riba refinanciamiento di debe



Dialuna atardi Prome Minister Evelyn Wever-Croes a reuni cu Premier Mark Rutte riba topiconan relevante pa Aruba. Un di e puntonan importante durante e reunion tabata e refinanciamiento di e debe di Covid y e interes halto cu Hulanda a impone riba pais Aruba.

Durante su bishita na Hulanda, ya Prome Minister a reuni caba riba e topico aki cu Secretario di Estado Alexandra van Huffelen, y cu señor Marnix van Rij di Ministerio di Finanzas. Ambos, Prome Minister a remarca den un comunicado di prensa, di ta dispuesto pa yuda caminda cu por.

Prome Minister a informa Premier Rutte di tur e

negociacionnan cu ta andando. Un reunion sumamente importante mirando cu ta Consejo di Minister di Reino mester aproba cualkier palabracion cu wordo haci. Durante e reunion tabatin hopi interes cerca tur esnan presenta pa scucha di Aruba y su progreso.

"E realidad ta cu Aruba ta bayendo bon, desempleo ta bahando, turismo ta bayendo bon y finanzas tambe ta na orden. Lo unico cu falta, ta purba na yega na un miho palabracion pa cu e interes halto cu Aruba a haya di Hulanda riba e debe di Covid. Pa cu esey, mi tin tur confiansa cu nos lo bay yega na un solucion cu ta na miho interes di pais Aruba", Prome Minister a expresa.

Dia Mundial di Obesidad

“Cambia perspectivanan: laga nos papia tocante obesidad y...,”

Ayera 4 di Maart tabata Dia Mundial di Obesidad, unda nos a uni cu mundo hente pa actua ariba e problema aki. E tema aki ta uno di sumo importancia y ta recorda Minister Dangui Oduber pa sigui traha ariba prevencion pa yega na un Aruba saludabel.

Ministerio di Salud hunto cu partners manera DVG-Health Promotions, Plataforma di Salud, Healthy Lifestyle Center, Ibisa, Jump18 y Cool2BFit ta comprometi na enfoca ariba prevencion y e tema di Dia Mundial di Obesidad e aña aki, “Cam-



bia Perspectivanan: Laga Nos Papia Tocante Obesidad y...,” ta resona fuertemente cu Minister Dangui Oduber su strategia di cuidu preventivo di salud. Dor di stimula combersacionnan tocante e tema aki, kita stigma, y desafia

conceptonan falso, ta logra e meta di crea un sociedad cu ta comprende tur problema cu ta bin cu obesidad.

Obesidad no ta solamente un lucha personal, pero un reto social unda hunto, sosteniendo otro, nos por logra. Como Minister di Salud, “mi por garantisa bo cu Ministerio di Salud ta dedica na implementa polisanan cu ta promove estilonan di bida saludabel, cuidu di salud alcansabel pa un y tur, y ta encurasha un comunidad cu ta sostene otro den e lucha aki”. Ministerio di Salud su enfoko ta riba prevencion, y ta kere cu dor di traha hunto por logra avancenan significativo den e

lucha contra obesidad.

Minister Dangui Oduber ta encurasha tur ciudadano pa tin e curashi, pa comparti bo storia y sostene otro ariba e caminda pa un futuro mas saludabel. Hunto como pueblo mester conscientisa otro, boga pa un cambio y intercambia conocimiento pa crea un ambiente cu ta stimula e bienestar pa un y tur.

Un sociedad mas saludabel ta cuminsa cu cada un di nos tumando decisionnan consciente pa nos mes salud. Hunto, laga nos traha pa un Aruba unda cuidu preventivo di salud no ta solamente un strategia, pero un manera di biba.

Obesidad a tripel na Hulanda den 40 aña

(NLTimes)—Aña pasa, 16% di hende mas bieu cu 20 aña na Hulanda tabata obeso y seriamente sobrepeso, segun Centraal Bureau voor de Statistiek Hulandes (CBS). Esey ta tres biaha mas compara cu 40 aña pasa, e organisacion ta nota, cual a colabora cu e instituto di salud RIVM pa e Health Survey/Lifestyle Monitor.



E Body Mass Index (BMI), un calculacion di peso y haltura, por ser uza pa determina si un persona ta sobrepeso.

Un adulto ta sobrepeso cu un BMI di 25 of mas. Un BMI di 25 pa 30 ta considera relativamente sobrepeso. Cu un BMI di 30 of mas, un persona por ta seriamente sobrepeso of obeso. Un BMI di 40 ta ser yama obesidad morbida y por ta menasante pa salud. Na 2023, 1% di residente Hulandes tabata obeso mobidamente.

Hulandes di 29 aña bay ariba tabata sobrepeso na un extento den 2023. Na comienso di añanan 1980, esey tabata 33%. E porcentahe di hende obeso tambe a aumenta mas cu e porcentahe di hendenan sobrepeso. Tabatin menos obesidad na Hulanda compara cu mayoria paisnan den Europa, CBS y RIVM a reporta.

Den total, 51% di tur hende

TRABOU DI MANTENCION RIBA LIÑANAN DI DISTRIBUCION

Interupcion di Coriente

En conexion cu trabounan necesario, coriente lo wordo interumpi:

Diahuebs, 7 di maart 2024
8:00 AM te cu 4:00 PM

Den vecindario di:

- Calabas (un parti)
- Catiri (un parti)
- Fuerte (un parti)
- Moko (un parti)
- Papaya (un parti)
- Paraguana (un parti)
- Saliña
- Soledad (un parti)
- Tanki Leendert (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.

TRABOU DI MANTENCION RIBA LIÑANAN DI DISTRIBUCION

Desviacion di Ruta

Diahuebs, 7 di maart 2024
9:00 AM te cu 4:00 PM

Pa seguridad y haci posibel cu por eherce e trabou di mantencion riba e liña di distribucion di coriente, lo cera e trafico riba un parti di e caminda principal di Moko. Lo cera caminda for di e crusada di Catiri y Soledad te cu prome cu e crusada pa dam di Moko, y despues for di despues di e crusada di dam di Moko te cu e crusada di residencia di Moko. Nos ta pidi pa tene cuenta cu e desviacion aki.

Danki pa e comprension.

Compagnie in de West di Defensa den Region Caribe Hulandes ta bay pasa den su rotacion

Dialuna dia 4 di maart durante un ceremonia militar, den oranan di mainta, Compagnie in de West Rotacion 44 a pasa su tareanan pa e siguiente unidad, rotacion 45. E Comandante nobo, Kapitan Bernhard di e Batayon 13 B 'Pegasus' di Assen, a tuma su tareanan durante un asina yama "peddeloverdracht" tradicional di man di su predesesor Kapitan Siebe. Comandante di Forsanan Naval Region Karibe Hulandes, Walter Hansen, durante e ceremonia a para keto na fayecimento tragico di un di e coleganan di Compagnie in de West.

Capitan Siebe ta mira back riba un periodo intensivo y special: "E dianan cu a pasa tabata intensivo. Mientras nos tabata cla pa e ultimo siman na Corsou, riba diasabra 24 di Februari un di nos coleganan a perde su bida mientras e tabata snorkel dilanti Costa di Playa Porto Marie. Nos ta gradicido pa tur yudansa cu nos a ricibi durante e buskeda di e colega aki, y pa e deseonan di convivencia cu nos a ricibi."

Tambe C-ZMCARIB Walter Hansen ta gradici tur hende cu durante e ultimo dianan a demostra nan sosten: "E fayecimento tragico di nos



colega di Compagnie in de West a haci un impacto grandi riba mi y tur e coleganan aki den Region Caribe Hulandes. Mi ke gradici tur esnan cu durante e ultimo dianan a demostra nan sosten. Siman ku a pasa nos por a despedi honoradamente como 'One Team Carib'. No pensamentonan ta cu su famia, stimanan y coleganan mas di acerca. Nos ta desea nan hopi forza durante e periodo dificil aki."

Ora Capitan Siebe mira back riba henter e periodo di despliegue, aki nan tabatin un tempo como unidad hopi util y hopi educativo: "Na tur momento nos tabata cla pa accion. Asina, riba peticion di socionan local nos a keda desplega den cuadro di operacionnan contra trafico di droga, nos por a sostene mas cu un proyecto pa bon causa

na Corsou y Boneiro, y den nos elemento EODD, nos a keda ubica mas cu un biaha pa deshaci di explosionnan y trein socionan local. Banda di esey continuamente nos tabata incentiva nos propio posibilidad pa accion pa medio di organizacion di training desafiante. Nos por a haci e loke pa kico nos a bini y nos a sinti nos masha bon bini riba e pida special aki di nos Reino."

Kapitan Bernhard ta anticipa cu durante e cuater lunanan binidero lo haci ehercicionan cu e Compagnie y e specialistanan y traha den Region Caribe. E Compagnie ta ser sosteni pa arquitectonan, personal medico y un ekipo di EOD. E combinacion di Compagnie ta unico y ta existi di mita grupo di empleadonan propio cu ta capacita y



cu na December 2023 a ricibi nan baret cora. E periodo como CidW-45 ta un tempo hopi importante pa e unidad, durante cua nan lo bay trein hopi y intensivo y traha hunto cu otro. Caminda ta posibel e cooperacion aki ta keda sostene y bishita pa socionan local. Ademas e unidad ta cla pa keda desplega na momen-

to cu ta pidi esaki di nan.

Compagnie in de West (CidW) ta unidad permanente di Ehercito Real, cu bao di comando di CZMCARIB, por keda desplega pa un variedad di tarea. E cuater lunanan binidero e Compagnie lo trein tanto na Aruba, Boneiro y Corsou.

Residentenan ta exige claridad riba proyecto di apartamento di luho na Zakito

(CuraçaoChronicle) - Residentenan di Piscaderaweg, incluyendo 8 famia, no ta ricibiendo contesta for di Minister Charles Cooper pa nan preguntanan tocante e proyecto di construccion na Zakito, cual ta inclui apartamentonan di luho y un marina. Ciudadanonan preocupa, kendenan ta mandando carta desde december di aña pasa, ta keha tocante e perdida di bista di lama y otro preocupacionnan di impacto pa e proyecto.

E proyecto di Zakito, parti di e desaroyo di Royal Palm Resort a causa frustracion entre residentenan desde e aprobacion di permiso di expansion pa Curaçao su gobierno den aña 2020. Nan tabata purbando sin exito pa 3 aña di haya claridad riba e detayenan

di e proyecto for di ambos e desaroyador y gobierno. Sintiendo ignora, residentenan no a ricibi informacion for di gobierno ni tampoco e desaroyador tocante e proyecto su comienso, duracion y potencial di impacto riba e area. Intentonan anterior pa obtene informacion via Om-

budsman tampoco no a duna resultado y accion legal no a provee un splicacion satisfactorio.

E comunidad kier sa e proyecto su tamaño, si un estudio a ser conduci riba su impacto pa naturalesa, otro proyectonan y e situacion di trafico.



Nan ta haci pregunta tocante e consideracion pa e proteccion di e mangelnan cu ta den e area, estudionan ecologico y si evaluacion di construccion ta plania pa minimalisa efectonan ambiental.

Preguntanan tambe a bini dilanti tocante "polucion vi-

sual," bloka bista di lama y dicon e haltura maximo di dos vloer no ta aplica na e proyecto aki, cu edificionan di 9 piso mas halto cu Helmin Magno Wiels Boulevard, e caya principal.

Residentenan ta busca detaye tocante e lagun su profundidad rekeri pa acomoda yatenan grandi, desafionan den haci e lagun suficientemente profundo y e duracion di e construccion di e marina. Tambe nan ta interesa den obtene un copia di e permisonan rekeri, incluyendo e permiso di strobamento pa e proyecto cu aprobacion di e autoridatnan relevante. Otro preguntanan tambe ta concerni evaluacionnan financiero, manera gastonan pa comunidad, analisis den mercado y e proyecto su impacto riba e comunidad.

AWE **MINI MEGA** **MEGA PLUS**

Awo cu 2 florin mas, bo por gana e **MEGA PLUS**

*** Afl. 585.000,-**

*** Afl. 260.000,- + Afl. 325.000,- extra**

Benta ta sera 7:30 pm y sorteo ta hunga 7:45 pm

HUNGA AWO

LoTo

Leiden den susto despues di ola di asalto sexual di hobennan femenino

(NLTimes)—Polis Hulandes ta investigando un serie di asaltan sexual y casonan di acoso cu a tuma luga na Leiden na fin di februari. Un di e incidentenan a ser clasifica oficialmente como abuso sexual, polis a bisa dialuna. No a haci ningun detencion den e casonan, y investigadonan a bisa cu nan ta kere cu un ofensor a comete e crimennan aki.

Diabierna laat, polis a publica un declaracion di advertencia cu varios hende muhe, incluyendo studiantenan, a cay victima pa acoso y asalto di un homber. Cada incidente a tuma luga sea anochi of durante oranan di marduga, e municipio a confirma. E casonan ta keda bao investigacion, y victimanan cu no a reporta nan caso ainda a ser encurasha pa bin dilanti. E urgencia di e situacion a aumenta cu e revelacion cu un caso a involvi abuso sexual. E incidente ey a tuma luga entre 2:45 pa 3:30 di marduga diahuebs, dia 29 di februari den e centro di ciudad. Polis a bisa, “un hoben femenino di Leiden tabata canando riba Breestraat pa Noordeinde ora el a ser acerca pa un homber desconoci cu a atac’e. Despu-



es e homber a core bay inmediatamente.”

Documentonan di e incidente a muestra cu un ambulance a ser desplega pa Breestraat rond di 3:50 di marduga. “Inmediatamente polis a cuminsa un investigacion di bario, pero no a logra haya e sospechoso.” Considerando e serie di incidentenan, polis a bisa hende muhe den e centro di ciudad, specialmente studiantenan, pa ser mas alerta cu normal. “Naturalmente, e asuntonan aki tambe ta ricibi atencion bao monitorio di polis, ambos pa agentenan uniforme y bisti casual.”

Pa haci asuntonan mas com-

plica ta cu e detectivenan encarga cu e caso ta kere cu e ofensor a varia for di caso pa caso. “Basa riba e declaracionnan [di e victimanan], esaki probablemente no ta e mesun homber den tur caso. P’esey ta dificil pa provee un descripcion e momento aki,” segun polis. Autoridadnan a bisa cu hende muhenan den Leiden mester “tuma extra atencion riba otro y pa ser specialmente alerta pa comportamente sospechoso.” Cualquier hende cu cay victima di acoso, of cualquier hende cu mira algo sospechoso mester contacta servicionan di emergencia via 112.

E problema aki tabata un

topico di combersacion intenso entre hende muhe na Leiden, segun Omroep West. Elianne Wijnands, un miembro di e partido politico Studenten voor Leiden, a bisa cu el a tende varios storia tocante diferente incidente. “Specialmente storianan tocante hende muhe cu a ser acosa of persigui, of ataca.” El a expresa frustracion cu e deber tabata keda riba hende muhe, y posibel victimanan, pa ser mas atento y protegi, ora Leiden eigenlijk mester mas polis riba caya.

E PKvK, un organizacion representando varios asociacion di estudiante den e ciudad na Zuid Holland, a bisa

cu nan tambe ta siñando mas for di nan miembro tocante diferente incidente involvendo hobennan femenino den Leiden. “Nos ta activamente haciendo un yamado riba asociacionnan pa reporta incidentenan na nos pa asina tin un bon idea di e situacion,” un miembro di directiva a conta ANP.

Cuatro aña pasa, un serie similar di atakenan a frustra hende muhenan despues cu varios siman a pasa sin un detencion. A puntra hende muhenan pa uza un sistema di compañero y pa no cana riba caya nan so. Polis a detene Jasin A. pa acoso di un hende muhe dia 26 di october 2019, y penetrando dos victimanan violentamente cu su dedenan den dos incidente separa den november y december.

El a nenga e gravedad di e acusacionnan y a mantene su inocencia pa loke ta e carganan di asalto, pero evidencia di DNA descubri riba e pantynan di e victimanan, y un potret di un victima den su telefon, a resulta den un condenacion un aña despues di e crimennan. El a ser sentencia pa cuatro aña den prizon.

Nacionalnan di tercer pais for di Ucrania no tin derecho mas pa refugio den Hulanda

(NLTimes)—Desde ayera, aproximadamente 2,540 nacionalnan tercer-pais for di Ucrania no tin derecho mas pa busca refugio den Hulanda. Nan mester aplica pa asilo of un otro forma di residencia of sali for di e pais.

Nacionalnan tercer-pais ta hende cu a biba na Ucrania cu un permiso di residencia temporario ora e guerra a cuminsa. Pensa riba estudiante, expatriadonan, of trahadonan migrante. Inicialmente nan a cay bao di e mesun proteccion temporario cu refugiadonan

Ucraniano, cual ta nifica cu nan no mester a aplica pa asilo, tabatin derecho pa refugio y por a traha den Hulanda.

Eventualmente gobierno a dicidi pa cambia e politica ey. El a argumenta cu e entrada di refugiadonan for di Ucrania tabata demasiado halto pa por laga tur hende aden, y hopi nacionalnan tercer-pais por regresa nan pais siguramente.

Hulanda a plania di trece un fin na e proteccion pa nacionalnan tercer-pais dia 4 di september aña pasa, pero



e fecha a ser cambia varios biaha ora hendenan afecta a bay en contra di e decision den cortenan, resultando den

verediconan contradictorio. Na januari, Raad van State a dicidi cu e proteccion por caba dia 4 di maart,

ora e acuerdonan Europeo relatando na proteccion pa e grupo ey vence.

Rond di 2,540 nacionalnan tercer-pais for di Ucrania ta biba na Hulanda actualmente, segun NU.nl. Nan tin 28 dia cuminsando ayera pa sali for di e pais of aplica pa asilo of un otro tipo di residencia. E Ministerio di Husticia y Seguridad tin rond di 700 aplicacion pa asilo habri y 120 aplicacion pa residencia pa studia of traha den e pais for di grupo aki. Kico e otronan lo haci ainda no ta claro.

El Salvador: Nayib Bukele tambe a gana eleccion municipal

(AFP) – Presidente recién reeligi, Nayib Bukele, ken tambe ta controla Congreso, a gana e ultimo etapa di poder ora a haya 43 di 44 conseho municipal, den eleccion celebra diadomingo ultimo cu un participacion baho di votadonan.

Den eleccion, e partido oficialista Nuevas Ideas y “partidonan cu ta apoya nos proyecto, 43 di 44,” segun Bukele a sigura riba e red social X.

Manera a sucede den eleccion general di 4 di februari, Bukele a atribui na su mes e victoria prome cu Tribunal Supremo Electoral (TSE) a pronuncia tocante e resultadonan.

TSE a cuminsa presenta datonan preliminar diadomingo den oranan di anochi, Nuevas Ideas ta bay goberna den e mayoria di 14 departamento, incluyendo e capital San Salvador na unda e alcalde Mario Duran di 40 aña, a ser reeligi. “Danki na pueblo Salvadoreño pa continua dunando mi e oportunidad di sirbi boso. Nos ta acepta e victoria aki cu



humildad.” Duran a bisa riba X.

“Eleccion a desaroya den normalidad, sin dificultadnan, den ambiente di paz,” e presidente di TSE, Dora Esmeralda Martinez a bisa momentonan prome di ciere di votacion.

6.2 miyon votado a ser con-

voca e biaha aki, pero e eleccion aki a ser considera como un “tramite” despues di e invencibel triunfo di Bukele den eleccion general den cual su partido Nuevas Ideas ademá a gana 54 di 60 stiel di Congreso.

Segun Bukele, “e pueblo ta sabio” y algun di e alcaldenan nobo ta pertenece na parti-

donan cu semper tabata t’ey pa apoya “tur cambio” cu e pais tabatin mester, for di prome cu el a gana e presidencia na 2019.

Un ora prome cu e ciere Bukele a bay vota cu su casa Gabriela Rodriguez na un par di urna instala na avenida Olimpico, na San Salvador,

na unda e personanan presente tabata grita “Biba Nayib.”

Cu 90% di stielnan di Congreso gana, Bukele ta conta cu e votonan suficiente pa aproba sin problema cualkier proyecto di ley, eligi magistradonan di Corte Supremo y fiscal general, ademá di mantene e regimen di excepcion cu e cual ta combati gangnan for di dos aña caba.

Beneficia pa su lucha contra gangnan, Bukele a ser reeligi cu 84,65% di e votonan segun e verificacion oficial.

Su popularidad halto ta e resultado di lucha contra criminalidad, cu ta acumula mas cu 75.000 persona deteni y a duna e paz back na e cayanan di e pais.

E resultadonan di diadomingo ultimo “ta caba di confirma e concentracion di poder” di Bukele, lo cual “ta implica un debilidad mayor di oposicion” di isquierda y derecha, segun director di investigacion di opinion publico di Universidad Francisco Gavidia, Oscar Picardo ta premia.

Mexico ta plantia solicita visa na Peruanonan pa evita nan di drenta Merca ilegalmente

(Infobae) – Gobierno Mexicano ta plantia pidi visa na Peruanonan cu mester bishita e pais aki, debi na un aumento di entrada ilegal na frontera cu Merca.

E rekisito aki a ser elimina na november di 2012; sinembargo, Peru a uni na Brazil, Venezuela y Ecuador como paisnan di sur America e cual a impone back e medida aki pa e mesun motibo.

Di acuerdo cu un anteproyecto presenta pa Secretaria di Gobierno, e rekisito aki ta bay ta temporal, aunke no ta duna detaye te ki dia lo keda vigente.

“For di entrada na vigor di e presente acuerdo, personanan nacional di Republica di Peru, cu ta pretende drenta na teritorio nacional cu condicion di bishitante sin permiso pa realiza actividadnan cu remuneracion, mester tramita e visa na autoridad consular Mexicano,” e documento oficial ta indica.



Segun, e medida ta hustifica cu entre 2021 y 2023, casi 144.000 Peruano a ser deteni purbando di crusa e frontera pa Merca di forma ilegal, 35.833 a ser rechasa pa inconsistencia na e ora di hustificanan biahe, y 7.053 a presenta na Instituto Nacional di Migracion (INM) debi cu no tabatin permiso legal.

E visa por ser procesa na consulado na Lima, pa permiti un control mas extenso di e documentacion di biaheronan prome cu nan yegada na Mexico. E accion aki no solamente ta busca e entrada irregular, sino tambe e reduccion di gastonan asocia cu atencion na personanan rechasa na aeropuertonan y esnan cu

a ser deteni na teritorio nacional cu status iregular.

“Parti di e situacion aki ta refleha den filtronan migratorio cu identificacion di personanan pa e cual nan perfil no ta ahusta na esun di bishitante of turista y ta presenta inconsistencia den nan documentonan of informacion, loke ta

haci e posibilidad mas dificil cu un number significativo di personanan ta pretende utiliza e forma aki di manera no debito.”

E acuerdo aki di Secretaria di Gobierno ta bay drenta na vigor despues cu ta bay ser publica den e corant oficial di Federacion di Mexico.

Na e momentonan, aki e relacionnan diplomatico entre ambos pais ta den nan momento cu mas tension, despues cu ambos Gobierno a manda retira nan representantenan di embahadanan.

Por recorda cu presidente di Mexico, Andres Manuel Lopez Obrador a muestra su rechazo na e supuesto trato “grosero y humiyante” na su embahador Pablo Monroy ken a yuda sali di e pais e famia di e ex-mandatario Pedro Castillo pa duna nan asilo politico na su nacion. P’esey, poder ehecutivo lidera pa Dina Boluarte, a declara Monroy como persona non grata.

Cuba ta registra e cifra di nacemento mas abao den 60 aña

CiberCuba) – E efectonan di e crisis economico y e exodo masivo, principalmente di adultonan hoben, ta laga un panorama cada biaha mas critico den e dinamica demografico di Cuba, un pais cu den 2023 a registra e cifra di nacemento mas abao den 60 aña.

Solamente 90.300 nacemento a wordo conta durante aña pasa, 15 mil menos cu den 2020, ora cu segun datonan di ONU, Cuba a registra 105.616 nacemento. Segun e comision gubernamental encarga di analisa e tendencia demografico di e pais, den 2023 e poblacion Cubano a mantene e tendencia di embebecemento y na reduccion natural.

Lidera pa e minister Manuel Marrero Cruz, e comision aki a reuni pa balora e diferente desafionan cu e tendencia aki ta representa pa e gobiernonan teritorial, organizacionnan, institucionnan academico y actornan social en general, segun e website di e presidencia.



E situacion preocupante aki ta rekeri, segun e Prome Minister, “un cambio di mentalidad” y a haci yamado pa “dun’e e prioridad cu e mester den cada un di e organisonan involucra.”

“Nos ta papia di proyecionnan di gobierno pa coregi distorsion y aki tin hopi distorsion. Y reimpulsa e economia den e materia aki ta

cumpli cu tur loke nos a propone nos mes, pasobra tur esaki ta impacta directamente e poblacion,” Marrero Cruz a manifesta.

Completamente desconecta di e datonan y e realidad Cubano, e palabranan di e Prome Minister di e asina yama “continuidad” a haci un referencia na e limitacionnan financiero y a mes-

cla cu e narrativa di e regimen di coreccion di distorsion y reimpulso di e economia cu cual e gobierno di Miguel Diaz-Canel a dicidi di cubri su pakete di medidanan economico.

E cos mas absurdo di e discurso gubernamental, Marrero Cruz, a mescla e dinamica demografico di Cuba y e situacion critico di nacemento cu

e movimiento di cuadronan den un menasa ariba e autoridadnan competente den e materia.

“Nos ta bay wak cual teritorionan ta kedando atras pasobra nan no ta cumpliendo, cu nomber y fam,” e Prome Minister a bisa na e asistentenan di e reunion celebra na e Palacio.

Segun e Presidencia, na momento di evalua e implementacion di e medidanan aproba na e pais, Marrero Cruz, a convoca pa busca solucionnan saliendo di e recursonan local, ya pa duna siguimento na e indicadornan cu ta refleha e avancen y deficiencianan.

“Semper nos ta bay tin e insatisfaccion di e cosnan cu nos no por logra, pero esey mester haci nos crece pa busca solucionnan alternativo,” el a señala prome cu el a pidi pa haci un analisis extenso di e causanan di e incumplimentonan den programanan y indicadornan di mas impacto na e poblacion

Riesgo di sarampi ta aumenta na Puerto Rico

(ElNuevoDia) – E cifra di vacunacion contra sarampi na Puerto Rico a baha den e ultimo añanan, un realidad cu, combina cu e reciente casonan reporta na e estado di Florida y Republica Dominicana, entre otro paisnan, ta mantene den alerta e comunidad medico, cu tin miedo cu ta djis cuestion di tempo pa contagionan wordo confirma na e isla.

Datos di e Departamento di Salud, informa na El Nuevo Dia pa e directora ehecutivo di VOCES Coalicion de Vacunacion, Lilliam Rodriguez, ta refleha cu e cobertura abao di e vacuna contra sarampi ta mas notable den su prome dosis, specialmente den menornan di 19 pa 35 luna. Mientras cu, na 2019, e cifra di vacunacion tabata di 85%, na 2022 el a baha na 70%. E cifra di e di dos dosis, cu ta wordo administra entre 4 y 6 aña, ta alrededor di 82%.

Segun Rodriguez, pa tin un cobertura saludable y cu ta proteha e poblacion e cifra mester ta di mas di 95%.

A pesar cu e datonan aki ta



sali for di e Registro Electronico di Vacunacion, agrega na Departamento di Salud, dokter Iris Cardona, principal oficial di Epidemiologia di e agencia, a argumenta cu nan no ta cuadra cu e realidad, pues nan ta varia segun e pregunta cu wordo formula na e sistema. El a splica cu

Salud ta usa como medida e Encuesta Nacional di Vacunacion y e Encuesta di Scolnan di Kleuter.

Usando e otro datonan ey, Cardona a indica, e prome dosis di e vacuna contra sarampi den muchanan di 19 pa 35 luna a baha na 89%,

pero, pa e aña academico 2022-2023 e tabata na 97% na e centronan Head Start y na 88% na e centronan di cuidado priva, pa un promedio di 92.5%. Mientras cu e di dos dosis entre studentenan di kleuter di e sistema publico tabata 90%, y riba nivel priva, di 93% pa un promedio di

91.5%.

“Un scol cu tin menos di 94% di cobertura ta den riesgo di un brote di sarampi,” el a sostene, reconociendo cu tin un preocupacion pasobra tin cosnan ta pasando cu por afecta e cifranan di vacunacion.”

Cardona a relata cu, den februari, Salud a ricibi tres reporte di casonan sospechoso di sarampi, despues di wordo investiga, nan a wordo descartada.

“E virus aki no ta circula endemicamente ni na Merca ni na Puerto Rico, pero hende ta biaha hopi,” el a bisa y a splica cu tin un sistema di vigilancia y un protocol pa e casonan aki cu mester wordo reporta obligatoriamente den menos di 24 ora.

Segun e dokter pediatra, na Puerto Rico no a surgi casonan di sarampi den mas di 20 aña. E ultimo epidemia cu a azota Merca a dura aproximadamente un aña y mey, entre 1989 y 1991, provocando 1.800 caso confirma y 12 morto, el a conta.

Jamie Foxx ta priminti cu e lo papia tocante su salud durante speech di AAFCA



(TMZ) - Jamie Foxx a bisa e lo finalmente papia tocante kico exactamente a pasa cu el a termina den hospital aña pasa, pero aparentemente esaki lo ta un tipo di special cu lo ser

televisa.

E actor/comediante tabata aceptando un premio Producers Award diadomingo anochi na African American Film Critics Association

Awards, unda el a duna un speech emocional y a trata con henter su opinion y punto di bista pa bida a cambia pa miho despues di loke el a pasa aden.

Claramente, e ta referi na e susto cu el a pasa cu su salud cu a laga su persona sin por traha pa mayoria di 2023, un incidente misterioso cu nunca a keda aclaria pero cu segun su persona a dun'e un perspectiva nobo.

E tabata bisando chistenan mientras e tabata papia tocante e topico aki, sinembargo a yega un momento unda el a haci un revelacion, pues el a bisa cu na su tempo e lo papia tocante e detayenan di su hospitalisacion. E unico punto cu e kier a aclaria ta cu



e lo haci esaki na su manera, pues cu humor y comedia.

E manera cu e ta papia tocante e topico ta duna di compronde cu Jamie kier haci esaki como un special di comedia 'stand up'. No a ofrece un cuadro di tempo pa cuando esaki lo ser haci pero ta prome biaha cu nos a tende Jamie priminti cu e lo

combati e problema di frente mirando cu tin hopi rumor y speculacion, di cual e ta al tanto.

Un otro punto di Jamie su momento na e evento tabata cu el a para cu Jonathan Majors y Meagan Good, ambos kendenan a atende AAFCA y tabata mustra como un pareha contento.

Sinead O'Connor su estado ta pidi Donald Trump pa stop di toca su musica na e campananan

(AP) - E estado di Sinead O'Connor riba dialuna a pidi Donald Trump pa no toca su cantica na campananan, bisando cu e difunto cantante tabata considera e ex president un "enemigo biblico."

Trump a toca O'Connor su hit mas grandi "Nothing Compares 2 U" na eventonan mientras e tabata campana pa e nominacion presidencial Republicano. Den un declaracion conhuntto, O'Connor su estado y su



compania, Chrysalis, a exige pa Trump "stop di usa su musica inmediatamente."

E declaracion ta bisa cu e cantante Irlandes, ken a fayece cu 56 aña di edad, "a biba cu un codigo moral defini pa honestidad, bondad, ta un persona husto y decencia pa ser humano. E tabata un disgusto grandi ora nos a haya e informacion cu Donald Trump ta haci uso di su musica iconico manera Nothing Compares 2 U na su campananan politico," e declaracion a bisa, agregando cu e no ta un exageracion pa bisa cu Sinead tambe lo

na ken e tabata referi como un enemigo biblico. "Como guardian di su legado, nos ta exige pa Donald trump y su asociadonan stop di usa su musica inmediatamente."

O'Connor tabata un critico di e Misa Catolico Romano prome cu e acusacionnan di abuso sexual tabata ampliamente reporta y tabata hopi habri y honesto cu su luchanan pa cu salud mental. El a ser haya inconsciente den su cas na London den juli di aña pasa y a ser declara fayeci na e escena. Un coronel a declara cu el a fayece di causanan natural.

O'Connor ta uni na un lista cu ta sigui crece di artistanan cu ta contra e uso di nan canticanan pa Trump, incluyendo Rihanna, Neil Young, Linkin Park, e difunto Tom Petty y Aerosmith su Steven Tyler.



CENTRALE BANK VAN ARUBA

Anuncio di fayecimento

Gerencia y personal di Centrale Bank van Aruba ta anuncia fayecimento di

Señora Vda. Lucrecia Posner-Figaroa
Mihor conoci como 'Greta'

Cuñia di nos president señora Jane Semeleer.

Nos ta extende nos mas sincero condolencia na señora Jane Semeleer, su esposo señor Jossy Figaroa y demas famia. Nos ta desea nan hopi forza den e dianan dificil aki.

Cu señora Lucrecia 'Greta' Posner-Figaroa sosega na paz.

Aruba One Happy Island Lions Club a huramenta tres miembro nobo



FAA pa participa den forum "Call to Action" pa conscientisacion di autismo



Cu hopi orguyo Fundacion Autismo Aruba (FAA) ta anuncia cu nos lo ta participa na un forum internacional titula 'Call to Action' na e Oficina Principal di Nacionnan Uni na New York City 4 di april binidero. Como parti di nos meta pa crea conscientisacion y trece cambio sistematico na bienestar di persona riba e spectrum di autismo, nos ta asisti na e forum aki. Nos delegacion lo consisti di Byron Lesire y Kay Quandus cu lo hiba palabra como 'Self-Advocates', Stephany van der Biezen-Croes cu lo hiba palabra como 'Parent Advocate', Carolina Thiel-Span (presidente FAA) cu lo ta encarga cu e organizacion y Raquel Lesire como sosten.

Topiconan cu lo bin dilanti durante e forum aki ta basa riba e 'Global Report on developmental

Disabilities' di WHO y UNICEF. FAA lo enfoca riba algun mensahe clave manera:

- Barera di inclusion y participacion den area social, economico y educacional
- Inigualdad den salud

incluyendo salud mental

□ Cambio efectivo den maneho y legislacion cu ta promove inclusion y proteccion

□ Barera den cuidado medico specialisa y na tempo pa muchanan bou di cinco aña

Na banda di e forum tambe FAA lo participa na un Exhibicion di Arte den Nacionnan Uni di 4 pa 9 di April 2024 cu diferente pieza (cuadra y poesia) di Kay Quandus.

Luna di april ta reconoci internacionalmente como e luna mundial di conscientisacion di autismo, pues nos ta contento di por participa e aña aki den forma grandi. Durante e luna di April nos lo tin algun tayer pa mayor, hoben y educador riba diferente topico manera 'Dating on the Spectrum', 'Self-Advocacy' y e rol di educador den scol secundario.

Fundacion Autismo Aruba por participa na e evento aki y sigui brinda tayernan danki na e contribucion di tur persona y compania cu ta haci donacion na nos fundacion.

Recientemente durante reunion di miembresia pa luna di februari, Aruba One Happy Island Lions Club tabata tin e placer y orguyo di huramenta tres miembro nobo.

Nos tres miembronan nobo ta:

Lion Sonia Geerman
Lion Luis Zarraga
Lion Rossiel Colmenares

Birando miembro di nos club, nan a acepta e compromiso di ta dedica na duna servicio na e comunidad di Aruba mas necesita. Orguyosamente nan ta forma parti di

e club di servicio mas grandi y mihor organisa mundialmente, hunto cu 1.4 miyon otro miembro den mas di 200 pais.

Un pabien grandi y bonbini na Lion Sonia, Lion Luis y Lion Rossiel.

CAREER SPOTLIGHT BY AHATA

2005
Restaurant Server
Divi Tamarijn All-Inclusives

2021
Director of Hotel Operations
Divi Tamarijn All-Inclusives

FREDDY ZEDAN


Hotelnan disgusta cu motociclistanan den oranan di madruga ta haci boroto den nan area di Palm Beach



Diasabra madruga polis a ricibi informenan di varios hotel cu nan huespednan (nos turistanan drumi) cu ta ser molestia pa boroto cu motociclistanan ta haci

ora nan ta drumi. Atròbe aki mester enfoca cu te ainda nos unico fuente di entrada ta nos turismo y cu nos mester cuida esaki cu hopi atencion.

Polis a hiba homber bao influencia cu lo tabata bulando drentando cas pa cas pa drenta nan cas na warda



Diasabra madruga a drenta informe di cu un persona ta bulando drentando di cas pa cas na Papaya,

mesora a dirigi un patruya na e sitio. Na nan yegada polis a logra

topa cu e persona aki y mesora a detene/ invitando e pa e bula y drenta e celnan na warda di polis.

Señora a keda cu gasto despues cu un auto a hit & run e na Piedra Plat

Diasabra madruga a drenta informe di un accidente banda di Weng Kee na Piedra Plat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda un auto (e marca y modelo conoci) a pasa dal un Toyota Yaris y e chauffeur a sigui core bay manera nada a pasa. Afortunadamente ningun hende a resulta herida. Polis a pasa e informacion pa departamento di trafico cu lo bay sigui cu e investigacion y captura e vehiculo y e chauffeur.



Un persona ta insisti cu ta un grupo di hende di un otro isla a bay cu su celular for di e discoteca



Diasabra madruga a drenta informe di un problema na un discoteca na Tanki Leendert, mesora a dirigi un patruya na e sitio.

Na yegada di e patruya a bin

compronde cu aki ta trata di un caso di ladronia di un telefon celular. Segun e victima un grupo di otro isla a bay cu su celular. Polis a bis'e cu e por pasa entrega un keho na recherche encuanto esaki.

Yiu menor di edad a bay keda cerca su tata y a sinta bebe alcohol cu e pareha di e tata!

Diabierna anochi a drenta informe di cu un yiu menor di edad a bay keda cerca su tata y e pareha di e tata a sinta bebe alcohol cu e mucha na Pavia, mesora a dirigi un patruya na e sitio.

Na yegada di e patruya a hala atencion pasobra ta prohibi pa facilita y consumi alcohol enfrente di muchanan menor di edad. Despues di a scual nan polis a sigui cu su patruya.



Homber cu posicion halto den un compania di comunicacion a bolbe agredi su pareha y kibra e telefon di e dama

Diasabra madruga a drenta informe di un caso di maltrato y destruccion den e area di Companashi, mesora a dirigi un patruya na e sitio.

Na yegada di e patruya a bin compronde cu su pareha a maltrat'e y a kibra su telefon. Ademas e dama a bisa cu esaki no ta e prome biaha cu su

pareha kende ta un alto funcionario na un compania di telefon y cu p'esey polis no ta actua riba dje. Polis a papia cu e dama y a splica e procedura y a conseha e dama pa haci un keho contra e homber. E dama a bisa cu si ta p'e e lo a regresa su pais cu su yiu pero e homber no ta lag'e bandona Aruba cu nan yiu.



Polis a bay Montaña Apartments pa un caso di ladronicia for di un auto




Diasabra mainta a drenta informe di un caso di ladronicia for di un auto, mesora a dirigi un patruya

na e sitio. Na yegada di e patruya a bin compronde cu ladronnan a

logra habri un auto di huur y a bay cu algun pertenencia. Polis a tuma e keho y a pasa esaki pa recherche.

Polis a topa homber mal golpia y herida benta abao na Palm Beach



Diasabra madruga despues di cu tur clubnan nocturno a cera polis pasando na Palm Beach a bin topa cu un persona tur na sanger benta abao herida y sangrando.

Segun e victima e tabata na un

otro lugar nocturno y a hay'e den un discusion cu su ex. Na e momentonan ey un grupo a golpia e y a lag'e tur herida. Polis a pidi pa ambulance pero e victima tabata asina impaciente cu el a tuma rumbo pa su cas den su auto, polis a purba calm'e pero el a bay.

Polis y ambulance a bay Julianastraat pa un hoben cu a bebe pildo y a bira altera



Diasabra madruga a drenta informe di cu un hoben lo a bira altera y agresivo na Julianastraat, mesora a dirigi tanto polis como ambulance na e sitio.

Na yegada di e patruya a bin compronde cu e hoben lo a bebe un pildo y a bira altera y agresivo, polis a papia cune pa e calma y na yegada di e ambulance nan a logra calm'e.

Varios patruya a bay cu urgencia na The Village pa un pareha causando destruccion y maltrato

Diasabra atardi a drenta informe di un caso di maltrato unda un pareha lo ta causando esaki na un restaurant na The Village, mesora dirigi varios patruya na e sitio.

Na yegada di e patruyanan a bin resulta ta un confusion tabata tin y cu eynan no tin nada a sosode. No mas cu den oranan di madruga tabata tin un problema entre un ex-pareha y despues a start un bululu unda un grupo di persona a golpia e homber formalmente y ora cu e cos a sosode e hendenan a bandona e sitio. Hasta e ex-pareha a bandona e sitio. Ora polis a yega bisa esnan di e



lugar pa yama polis si acaso e ex-pareha bolbe na e sitio pa yama nan mesora y como cu a mira e dama na e sitio bek a

core yama polis y esey tabata e confusion.

Dia Mundial di Bida Salvahe

Digitalisacion innovativo ta yuda cu conservacion di e Bida Salvahe na Mundo

Dia 3 di maart a recorda cu durante di e sesion 68 di Asamblea General di Nacionnan Uni (UNGA) a proclama e dia aki como Dia Mundial di Bida Salvahe di Nacionnan Uni (World Wildlife Day). Na 1973, a firma e Convenio di Comercio Internacional di espcienan di Fauna y Flora Salvahe (CITES) cu ta na peliger. E dia aki ta pa celebra y conscientisa mundo tocante bestianan y matanan salvahe.

E resolucion di UNGA tambe a designa e Secretariado di CITES como e facilitador pa e observacion global di e dia special aki pa naturalesa salvahe riba e calendario di Nacionnan Uni. Na Aruba nos tin autoridadnan asigna pa atende cu e tratado CITES. Santa Rosa ta e autoridad pa cu e flora protegi y Veterinaire Dienst ta esun encarga cu e fauna protegi bou di e tratado. Directie Natuur en Milieu ta publica tur siman potretnan di sortonan di flora protegi y tambe nos ley a considera e lista di CITES na unda a tuma over e sortonan den nos ley local di proteccion. DNM ta aporta cu e dianan observa mundialmente cu ta di importancia pa natu-



rales y medio ambiente. E aña aki UN ta anuncia cu e tema ta trata, con digitalisacion innovativo ta aporta na conservacion di e bida salvahe. Pues con uzo di tecnologia por yuda nos conecta e planeta cu hende pa asina beneficia di e esfuersonan cu ta haci pa conserva e bida salvahe na mundo. Na Aruba no ta diferente tampoco. Den e discursonan pa e ocasion di Dia mundial di e Bida Salvahe 2024, diferente delegado manera representante secretaria general di CITES Sra. Yvonne Higuero y directora ehecutivo di UNEP Sra. Inge Anderson a publica

tocante e importancia di innovacion den digitalisacion. Nan ta menciona cu “the Wildlife is disappearing!” y cu e uzo di innovacion digital mester ta uza pa bon y pa yuda cu conservacion di e Bida salvahe. Tambe nan ta elabora cu, e mundo ta na un punto critico. Proteccion di hende y planeta ta representa un di e retonan mas grandi y urgente cu nos ta enfrenta. Crimen organisa ta pone un menasa grandi na nos medio ambiente, entre otro actividadnan ilicito manera cu gruponan di crimen organisa rond mundo ta involvi den traficacion di bestianan sal-

vahe, crimen den sector di pesca, trafico di desperdicio y minanan ilegal. E explotacion aki tin un impacto serio riba nos ecosistema, riba nos seguridad, y riba bida di misionan di hende cu ta depende di e recursonan natural aki pa nan sobrevivencia. E impacto di actividadnan criminal riba medio ambiente frecuentemente no ta bon comprondi pa publico en general. Institucionnan no tin bon ekipo pa combati e gruponan criminal. Si no haci algo pa conserva e bida salvahe y proteha e planeta contra crimen, e generacion actual lo biba den un planeta

menos saludabel y lo ta mas exponi na e consecuencianan di cambio di clima den futuro. Mas cu nunca, muchanan mester ta parti di e solucion y mester ta involvi den conscientisacion pa un miho planeta y den creacion di solucionnan innovativo. E locual ta trata e tema “Connectando Hende y Planeta: Explorando Innovacion Digital den Conservacion di Bida Salvahe” DNM no ta keda leu. Na DNM nos ta haci uzo di tablet, Smart phones pa data, drone, camera pa potretnan cu GPS y e software ArcGis. Drone ta mas tanto uza pa area cu ta dificil pa cana. ArcGIS ta un sistema di informacion geografico (GIS) cu ta haci e manejo y analisis di data geografico ta posibel door di visualisa esaki y pone ariba mapa. DNM tin acceso na e uzo di e sistema aki. Tur e ekiponan digital aki ta facilita e trabounan necesario na DNM. Tin programanan cu publico por baha/ pone riba nan ‘smartphone’ via un aplicacion cu por yuda identifica sortonan cu ta en contra den mondi. Esakinan ta, por ehempel, Inaturalist pa Iphone pero tambe esun di Dutch Caribbean Nature Alliance (DCNA) ObsIdentify App pa Android y IOS.

TU Delft su studiantenan lo purba kibra record mundial cu vehiculo di hidrogeno riba cayanan publico

(NLTimes) - Fabricantenan di vehiculo di hidrogeno na TU Delft ta tumando un metodo diferente e aña aki. E biaha aki, ekipo di estudiante Eco-Runner lo crea un vehiculo cu mester cumpli cu tur e rekisitonan pa ser permiti core riba cayanan publico.

Cu bueltanan na e barionan di Elfstedentocht, nan kier kibra e record mundial cu e vehiculo aki den juni. Nan kier cubri un distancia total di 2,056 kilometer cu menos di un kilogram y mey di hidrogeno.

E ekipo a kibra recordnan mundial anteriormente pero den un categoria diferente. Aña pasa, nan a core 2,488.5 kilometer den un circuito na Alemania den un vehiculo cu no tabatin e intencion di



core riba caya, sin bolbe yena e tanki. Cu e vehiculo nobo aki, e Eco-Runner XIV, nan kier demostra cu “eficiencia no mester ta comprometi pa tur e standardnan di seguridad cu un vehiculo moderno

mester cumpli cune.” En general, Eco-Runner Team Delft tambe kier lidia cu e problema di sostenibilidad den e sector di movilidad. “Movilidad ta produci 25% di

e emision total di gasnan. E cifra aki por baha solamente si nos cuminsa usa menos petroleo, por ehempel, pa medio di haci nos transport mas chikito y menos pisa,” nan a splica.

E ekipo aki ta consisti di 25 estudiante cu ta trahando hunto. Nan a presenta e diseno riba diaranson atardi y lo sigui desaroya e vehiculo den e periodo binidero. Esaki lo keda presenta na e publico dia 8 di mei. Prome cu e vehiculo por subi caya na Friesland, e mester pasa un serie di testnan.

E ruta di Elfstedentocht ta simbolico. “No a core riba Elfstedentocht pa 27 aña a causa di calentamento global,” e ekipo a splica. E studiantenan kier enfatisa e necesidad urgente pa “un alternativa y algo cu ta miho pa e medio ambiente.” Hidrogeno por ser usa di un manera limpi usando awa y sosteniblemente usando electricidad genera. E uso no ta produci emision di CO2 of polucion di aire.

Campeonato futbol femenino U17 a continua cu victoria pa RCA, Estrella y Britannia

Diasabra atardi, e campeonato di futbol femenino U17 den stadion di Frans Figaroa na Noord cu tres wega. Den e wega di atardi 4or, Estrella ta sorprende La Fama ganado nan cu e score di 5 - 1. E ekipo naranha di Santa Cruz a bini por la goma den e wega aki. E golnan di Estrella Damas a bini di Liandra Angela, Evie van der Sloot, Wendelainne Angela, Dinicienne Maduro y Serena Morrison. E unico gol di La Fama a bini di nan goleador Zyan Rogers.



Despues a sigui dos wega simultaneamente cu a bay entre Bubali y Britannia como tambe Dakota y RCA.

DAKOTA vs RCA

E ekipo di RCA ta logra otro victoria mas ora nan ta derota e ekipo di Dakota cu e score final di 4 - 1. RCA a sali domina e partido creando varios oportunidad, pero e linea defensivo di Dakota tabata wanta tur e presion. E delantero Ellen de Jong di RCA un bes mas tabata productivo anotando 3 di e 4 golnan mientras Genisis Hazel ta

anota e otro gol pa RCA. E unico gol di Dakota a bini di Gillay Williams.

Durante e wega di Dakota vs RCA nos por a mira cu e hungador Kyana Kock a sali lesiona y mester a charge hib'e den camerin. Nos kier a desea Kyana un pronto recuperacion.

BRITANNIA vs BUBALI

Britannia ta kibra invicto di Bubali y logra tres punto super importante. E ekiponan di Britannia y Bubali a duna un bon bataya di futbol unda

e wega tabata toch uno cera aunke Bubali un tiki mas den atake cu Britannia, den e prome tempo. Den e di dos tempo cosnan ta bolter unda e bolante di Britannia Damas, Kim Schoppema ta percura pa e unico gol di e partido. Britannia ta wanta e furia y ta hiba e victoria Piedra Plat. Ambos ekipo a lucha duro y e solo cayente di 2or di merdia no tabata yuda mucho unda e hungadornan a keda agota riba tereno.

Otro siman diasabra lo tin wega 2or y 4or den stadion di Frans Figaroa na Noord.



NLTimes)—Femke Bol y Lieke Klaver a guia e ekipo relay di Hulanda den e 4x400 meter durante e World Athletics Indoor Championships na Glasgow. Esaki ta e prome biaha den historia di atletiek Hulandes cu un ekipo relay a haya oro na un campeonato mundial paden.



Bol y Klaver, hunto cu Cathelijne Peeters y Lisanne de Witte, a core pa victoria den e final den un record Hulandes di 3.25.07. E ekipo Mericano a tuma plata cu 3.25.24 y brons a bay na Britania cu 3.26.36.

Pa Bol, esaki ta su di dos

medaya oro na e torneo den e capital Escosesa. El a gana oro den e 400 meter diasabra anochi den un tempo record di 49.17. Klaver a gana plata den e final ey y pues tambe a

Femke Bol y Lieke Klaver ta lidera e ekipo Hulandes pa oro den 4x400



obtene su segundo medaya di Copa Mundial.

Entrenador Laurent Meuwly a duna Klaver tempo pa descansa diadomingo mainta. P'esey e no a competi den e serienan. Bol a core y a demostra su forma excelente caba.

El a move for di tercer luga pa prome cu un aceleracion den e ultimo 200 meter.

E Hulandesnan tabata dominante den e final. Klaver a tuma e avanca caba como e coreador inicial, Peeters y de Witte a mantene prome luga

pa asina Bol por caba fuerte. Mericanonan Alexis Holmes a pusha pa e ultimo meternan, pero Bol a logra saca extra aceleracion net prome cu e liña.

Potret cortesia di Robin van Lonkhuijsen pa ANP.

Hefe di Nacionnan Uni ta urgi fin na ‘supresion’ di bosnan independiente na Rusia despues di Navalny su fayecimento

(AP) - Hefe di Derechonan Humano pa Nacionnan Uni a haci un yamado di-aluna pa un final rapido na e “supresion di bosnan independiente” na Rusia y a expresa preocupacion tocante e “persecucion” di lider di oposicion Alexei Navalny, ken a fayece den prizon luna pasa.

Volker Turk, den un speech amplio, tambe a lamenta decenas di conflicto alrededor di mundo, violacion di derechonan humano plama cu a impacta miyones y hendenan cu mester a sali for di nan pais a causa di guerra, cual por escala den luganan manera Medio Oriente, Africa y Sudan. “Rarabes humanidad a enfrenta asina hopi crisis escalando na mesun momento,” el a expresa na e Consejo di Derechonan Humano.

Haciendo mencion na algun pais entree decenas cu ta teniendo eleccionnan na-



cional e ana aki, Turk a denuncia “restriccioannan den aumento” riba defensoran di derechonan, reporteronan y “criticonan” na India. El a

urgido autoridannan Mericano pa sigura cu vota ta algo universal, señalando na politicanan discriminatorio cu ta restringi e derecho di vota pa

hendenan di descendencia Africano.

Cu e eleccion presidencial na Rusia na caminda for di

maart 15 pa maart 17, Turk a bisa cu autoridannan Ruso a “intensifica nan supresion mas y bosnan den oposicion” y a nota cu algun candidato “a ser preveni di participa a causa di supuesto iregularidadnan administrativo.”

El a bisa cu Navalny su fayecimento den un prizon Ruso proximo luna “ta agrega na mi preocupacionnan serio tocante su persecucion” y a nota cu miles di politico, reportero y defensoran di derechonan humano, abogadonan y otro nan a enfrenta acusacionnan criminal of administrativo pa simplemente “expresa nan opinion riba rednan social.”

Turk a haci yamado pa un evaluacion comprensivo di tur caso unda hendenan na Rusia a ser deteni pa cherce nan libertad fundamental y un “fin inmediato na e supresion di bosnan independiente y e profesionalnan legal cu ta representa nan.”

Mas cu 6 den cada 10 adulto ta duda di Biden su capacidad mental

(AP) - Un encuesta ta mira cu un cantidad den aumento di adultonan Mericano ta duda cu president di 81 ana Joe Biden tin e memoria y claridad pa e trabao, convirtiendolo su speech nacional, State of the Union, un tipo di audicion pa un di dos termino.

Mas o menos 6 den cada 10 ta bisa cu nan no tin hopi confianza, of no tin esaki mes, den Biden su capacidad mental pa efectivamente fungi como president, segun e encuesta nobo di The Associated Press-NORC Center for Public Affairs Research. Esaki ta un aumento chikito for di januari 2022, ora cu mas o menos mita di e personanan cu a participa den e encuesta a expresa preocupacionnan similar.

Cu e mesun cifranan, casi 6 den cada 10 tambe ta bisa cu nan ta falta confianza den e capacidad mental di e ex president Donald Trump, e rival di 77 aña di Biden.

Pa hopi di e votadornan, e aña aki su eleccion ta parece manera un lucha pa e trabao mas duro di mundo entre dos hende homber cu a sur-



pasa caba e edad di retiro. E proximo president lo probablemente mester maneha conflictonan global, drecha emergencianan domestico y traha cu un Congreso desfuncional. Biden ta hopi probabel di atende e desafionan aki y mas den su speech di State of the Union riba diahuebs mientras e ta purba convence Mericanonan cu ta merece un otro termino.

Drenta un evento grandi, solamente 38 por ciento di adultonan Mericano ta aproba di

con Biden ta manehando su trabao como president, mientras 61 por ciento no ta aproba esaki. Democratanan, 74 por ciento, ta hopi mas probabel cu independientenan (20 por ciento) y Republicanonan (6 por ciento) di acepta su resultadonan. Sinembargo, tin un malcontento amplio den e manera con Biden ta tratando un variedad di problema incluyendo e economia, inmigracion y politica di exterior.

Mas o menos 4 den cada 10 Mericano ta aproba e mane-

ra cu Biden ta lidiando cu e problemanan manera cuidado di salud, cambio di clima, politica di aborto y conflicto entre Rusia y Ucrania. Pero hendenan ta menos satisfecho cu e manera cu e ta lidiando cu inmigracion, e conflicto entre Israel y Palestina y e economia, tur cual ta hopi probabel di ser menciona den un sesion conhunto den Congreso.

Casi 6 di 10 Mericano ta pensa cu e economia nacional ta pio di e manera cu prome cu

Biden a dreña den mando na aña 2021. Solamente 3 den cada 10 adulto ta bisa cu e ta miho bao su liderazgo. Tin hende si cu ta mas optimista tocante e estado di nan propio cuenta di banco, cu 54 por ciento bisando cu nan finanzas personal ta bon.

E president ta enfrentando presion agrega a causa di su edad despues di descripcionnan no hopi optimista di su persona den un reportahe di consul special, cu no a recomendar un persecucion criminal pa Biden a causa di mal maneho di recordnan clasifica, al contrario di Trump ken a ser acusa formalmente pa mantene material clasifica den su cas na Florida. E reportahe a bisa cu Biden su memoria tin “limitacionnan significante.”

Biden a purba alivia e preocupacionnan pa medio di haci chiste tocante su edad y referi na Trump su cualidadnan. Sinembargo, e president su edad ta un factor cu a kita merito for di su politica su logro den infraestructura, fabricacion y atende cambio di clima.

Scoge bo proyecto preferi pa Aruba Doet 2024-Haci bon, pasa bon!

Aruba Doet ta invita e comunidad di Aruba pa bin "Haci bon y pasa bon"! Ariba diabierna 15 y diasabra 16 di maart 2024 CEDE Aruba, den cooperacion cu Oranje Fonds, lo ta organisando e di 12 edicion di Aruba Doet!



Actualmente tur proyecto cu ta forma parti di Aruba Doet 2024 cu ta buscando e aporte di boluntarionan, ta visibel ariba nos website. Subi www.arubadoet.com y registra awor!

Tin un total di 172 proyecto pa kies for di dje. Aruba Doet ta invita tur esunnan cu no a registra ainda como bolun-

tario, pa scoge entre proyec-tonan di verf, embeyecemen-to di un hardin, yuda na un animal shelter of yuda cu un actividad social cu nos gran-dinan of esun nan mas vul-

nerabel di nos comunidad.

Pa mas informacion to-cante Aruba Doet por bishi-ta e website of WhatsApp 5611644.

Organisacion Caballista Aruba FERIA HIMNO & BANDERA

Organisacion Caballista Arubano ta anuncia e prome competencia pa aña 2024, FERIA HIMNO & BANDERA.

lo tin competencia pa jinete y amazona, caminda nos muchanan lo demostra nan habilidad den e arte di equitacion. Competencia lo tuma lugar na Villa Floralina situa na Moko y lo wordo husga pa huesnan Dr. Fernando Nieto di Colombia y Juan Zuleta di Aruba.

Diasabra 23 di Maart pa 6or lo cuminsa cu competencia di cabay di Paso Fino, Trocha y Trote y Galope. Dia-domingo 24 di Maart pa 4or



Resultado Sorteo <i>march 04</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0192	4092	0374	4116
5054	6315	SUPER5	4992
9329	2545	-	5930

MERDIA	ANOCHI
 Sorteo # 4200 2888 4052 7273 MULTI-X fp BIG 4 Sorteo # 4200 9996 MULTI-X fp DFF Sorteo # 2256 3228 ZODIAC Sorteo # 4200 7202 Cancer LUCKY 3 Sorteo # 1074 984 MULTI-X x2	 Sorteo # 8186 0082 4843 7674 MULTI-X X2 BIG 4 Sorteo # 7230 4333 MULTI-X FP DFF Sorteo # 1935 7716 ZODIAC Sorteo # 5989 7082 Aquario LUCKY 3 Sorteo # 919 686 MULTI-X X2

LOTTO 5	LOTTO DIA	MEGA	KORSOU
Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 550.000,- 01-03-11-13-24 Proximo Jackpot 54.000,-	Sorteo # 0 x Jackpot 5 x Match 4 178 x Afl 8,00 260.000,-	Sorteo # Afl. 585.000,-

King Classic Sudoku

	5		8			7	6	3
		7	5	1			2	8
							5	
	3		7			2		
			4	5	2		1	6
		2	1		3		8	
4	1		9	7	5			2
7			6		8		9	
	9	8			1			4

Difficulty: ★★

3/5



Dokter na warda

Oranjestad Hospital 7:00 pm / 10:00 pm
 San Nicolas Imsan 24 ora

Botica na warda

Oranjestad: Oduber Tel. 582 1780
 San Nicolas: Seroe Preto Tel. 584 4833

EMERGENCIA 911

POLIS

Oranjestad 100
 San Nicolas 104
 Santa Cruz 105
 Noord 107
 Tip Line 11141
 Brandweer 115
 Ambulance 911
 Hospital 527-4000
 Imsan 524-8833
 Warda Costa 913
 Seguridad Nacional 11911
 Cruz Cora 582-2219

BOTICA

Aloe 584-4606
 4 Centro Medico 584-5794
 Central 585-1965
 Dakota 588-7364
 Del Pueblo 582-1253
 Eagle 587-9011
 Kibrahacha 583-4908
 Maria 585-8145
 Di Servicio Noord 586-4606
 Oduber 582-1780
 Paradera 588-6638
 San Lucas 584-5119
 San Nicolas 584-5712
 Santa Anna 586-8181
 Santa Cruz 585-8028
 Sero Preto 584-4833
 Trupial 583-8560

UTILIDAD

Setar 117
 Web 525-4600
 Elmar 523-7147

FUNERARIA

Aurora 588-6699
 Royal Funeral H. 586-4444
 Ad Patres 584-2299
 Olive Tree 584-8888

Servicio di Taxi

Aruba Transfer Tour & Taxi C.A.
 Tel: 582 2116/582 2010

Taxi Adres Services (24h)
 Tel. 587 5900

A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610

F A V I

Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
 297-588-1179

Fundacion Pa Nos Muchanan

Cumana 2 Aruba
 297-583-4247

Fundacion Tel Pa Hubentud

Wilhelminastraat 19 Aruba
 297-588-6138

Koningin Wilhelmina Fonds

Spinozastraat 9 Aruba
 297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel. 297-582-2219

Fax 588-3376

Famia Planea (SBVO)

Avenida Milio J Croes 17 B Aruba
 297-588-9591
 www.famiaplanea.org
 famiaplanea@hotmail.com

Stichting Fundacion Guia Mi

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group

Sabana Liber #8, Noord (close to the hotels)
 Tel: 736-2952 or 593-7081

Si bo ta interesa den un carrera den cuida medico:

Open Dag na HOH pa cera conoci cu diferente tipo di profesion den cuida

Horacio Oduber Hospital (HOH) lo tene riba diasabra 9 di maart un open dag pa tur hoben cu no ta sigur cua estudio pa scohe of ki profesion lo gusta den cuida medico. Aña pasa bou guia di e profesionalnan di HOH a organisa pa prome bes un open dag cu a conta cu'n tremendo acogida di publico cu a keda super inspira. A dicidi pues pa ripiti e open dag un bes mas y e aña aki ta extende invitacion pa tur hoben local. Meta di e open dag ta pe generacion nobo conoce HOH y e variedad di profesion cu tin y alabes fomenta interes bou di e hobennan pa sigui nan estudio den e ramo di cuida of un funcion cu ta aporta na cuida medico.

Pues diasabra 9 di maart entre 9'or di mainta te cu 1'or di merdia diferente profesionalnan di HOH lo duna informacion y demostracion valioso na e hobennan tocante nan disciplina manera team di laboratorio, team di medisch techniek, tambe coleganan di IT, departamento di cushina y voeding, departamento di dialisis, endoscopia, team di hart/long functie y mas. Ademas tambe lo tin e oportunidad pa haci un 'tour' riba departamento di radiologia, sala di operacion of rehabilitacion. Tene bon na cuenta si cu pa por join e 'tour' tin un cantidad limita y e lo ta a base 'first come first serve'.

Hopi biaha hende ta pensa cu pa bo traha na hospital bo mester ta un nurse, nurse specialisa, assistent den camber di operacion of un dokter of specialista, pero no lubida e team di empleadonan cu ta forma parti di e departamentonan cu ta brinda sosten na e team di cuida y pues conocimiento medico no ta necesario.

Invitacion ta bay di e team cu semper t'ey pa tur hoben, scolnan secundario y mayornan pa stimula hobennan interesa pa asisti na e open dag na HOH y asina haya e un idea kico por bay sigui studia den e ramo di cuida medico.



Pronostico di tempo

Tempo:

Parcialmente nubia cu un awasero breve.

Temperatura maximo 32 grado Celsius.

Temperatura minimo 26 grado Celsius.

Indice di calor (heat index) den y rond di oranan di merdia: 33 pa 38 grado Celsius.

UV index: 10

Bahada di solo: 6:49pm.
 Subida di solo: 6:53am.

Biento:

Moder for di direccionnan entre oost-noortoost y oost; Forsa 3 te 4 (11 te 30 km/ora, 7 te 16 nudo).

Den dia basta fuerte te posiblemente fuerte den rafaga; Forsa 5 te 6 (31 te 50 km/ora, 17 te 27 nudo).

Situacion general di tempo: Extension di un area di presion halto riba Atlantico lo domina tempo manteniendo esaki generalmente seco.



Un aumento temporal di humedad den nivelnan mas abou di atmosfera lo produci localmente un awasero pasahero te breve, principalmente durante oranan di marduga y mainta trempan.

Condicion maritimo/ estado di lama:

Na partinan proteje di costa: ketu, rond di 1 pia.
 Na partinan zuid: tranquil te modera, entre 2 pa 3 pia.
 Na partinan oost te noordwest di costa: generalmente Modera cu olanan di 4 pa 5 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Señor ta mi wardador, pues min tin falta di nada; Salmo: 23

A Fayece: Nos Tata, Casa, Ruman, Welo y Omo Stima

Eugene L. Leonardo

Mihor conoci como:
 'Leo / Leonardo'
 28-06-1966 ~ 29-02-2024



Na Number di su:

Mama: †Sra. Sophia Caridad Leonardo-Lampe
 Tata: †Sr Leopoldo (Leo) Jose Leonardo

Casa: Sra. Jeanny Leonardo-Falcon

Yiunan:

Leanne Leonardo
 Stephany Van Der Biezen-Croes y Jacob Van Der Biezen
 Kylie Hernandez-Croes y Armando Hernandez

Nietonan:

Logan Van Der Biezen
 Luka Van Der Biezen
 Amelia (Mia) Hernandez
 Noah Hernandez
 Tyler (TJ) Hernandez
 Oliver (Olly) Hernandez

Rumannan:

Sra. Magaly Leonardo w/v Solagnier
 Evan Leonardo y Soraida Leonardo-Geerman
 Edward Leonardo y Licette Labad

Subrino (a)nan:

Jason Solagnier y Kimberly St Jago y yiunan
 Leonard Solagnier y Joanne Solagnier Werleman
 Ivathia Solagnier
 Xyqiëne Leonardo y Brandon Wernet & yiu
 Xyqianthe Leonardo
 Kaylly Van Der Linde
 Kay-Shaun Van Der Linde

Tanta y omonan:

Lourdes y Rubio Koolman-Leonardo
 Edgard (Gachi) y Armgard Leonardo-Loewental
 Alcantara (Ankie) Leonardo y Fania
 Rachell De Jong y Fania
 Raymond y Sislin De Jong y Fania

Swa (nan) y Cuña:

Nilo Falcon y famia
 Rodney Falcon y famia
 Jeanmarie Falcon y famia

Suegra:

Carmen Yolanda Falcon

Primo y Prima nan na Aruba y Bonaire, Sobre Subrino nan, demas Bon amigo nan, Su famia nan di Bushiri Karting, Drag Racing.

Su bon amigonan di cas:

Gio Wong y Fania
 Darrell Werleman y Fania
 Edirik Jong y Fania
 Jose Moreno y Fania
 Eldrick Noguera
 John Patrick Nuboer
 Ricky Semeleer y Fania
 Craig Farley
 Su bon Amigonan, Richardson, Mansur, Ramirez, Andrade, Cheng, Franzoni, Eman, Nuboer, Arends y demas amigonan / amiganan cu ta mucho pa mencioná.

Demas Famiannan:

Leonardo, Lampe, Falcon, Solagnier, Geerman, Labad, Hernandez, Croes, Van Der Biezen, Werleman, De Jong, Koolman, Loewental, Pourrier, Anjie, Kuiperdal, Marchena, De Lange, Yrausquin, Tromp, Kock, Bakmeyer, Pannefleek, Bertrand, Lacle, Maduro.
 Nos mas sincero disculpa si nos por a lubida un of otro famia den nos tristeza.

Ta invita pa e acto di entierro lo tuma lugar diahuebs 7 maart 2024, di 1:00 pm – 4:00 pm na Royal Funeral Home. Respons lo cuminsa 3:30 pm y lo sigi pa santana catolico di playa.

Tene na cuenta cu despues di entierro nos no por ricibi bishita di condolencia na cas.

Ta pidi pa tur cu lo ta presente pa bisti e colornan: Blanco, Blauw cla of Creme (Beige)

Aurora

Royal Pray

Funeral Home & Crematory

"Señor ta mi wardador, mi'n tin falta di nada
 Den cunucu di yerba berde e ta ponemi
 sosega.
 E ta hibami na awa trankil,
 Pa mi bolbe haña forsa".
 Salmo: 23



Nos ta anuncia fayecimento di:

Fouad Antonio Daou

"Eddie Daou"

Na number di su:

Señora Vuida: †Rosa Maria Halabi Daou

Yiunan:

Hugo y Anna Daou
 Camille y Adison Ras

Nietonan: Tanya Daou y Jonathan Fernandez, John Anthony
 Angela y Ludveri Flores Angela, Camille Angela, Danika Ras

Bisanietonan:

Atyanna, Annalea y Alya Fernandez, Alice y Yousef Angela

Rumannan:

†Romeo y Ria Daou-Ogink
 †Gabriel y †Gladys Daou-Salas
 Teresa y †Mohamed Ayubi Daou
 †Fares y †Glenda Daou-Trappenberg
 †Alexander Daou
 †Henri y Lusell Daou-De Lima
 †Sanin y Carlyn Daou-Hollander
 †Jouliette Daou

Swanan:

Myrna Halabi, yiunan y famia
 Ricardo y Jenny Halabi yiu y famia
 Ellis y Evelyn Martes Halabi yiuinan y famia
 Jesus "Chu" y Ivis Halabi yiuinan y famia

Subrino(a):

Desi, Michel, Daniela, Fabian y famia,
 Lilianne, Alexis, Stephanie y famia, Firdawzy, Ali, Samir, Susy y
 famia, Samir y famia, Maira, Samirah y famia, Sannin, Faridi y
 famia, François, Manon, Fatme y famia

Primo(a)nan:

†Ricardo Elhage y famia, †Maritza y †George
 Kobrossi-Elhage y famia, †Victor y †Siham Elhage-Hammoud
 y famia, †Olga Elhage, †Alexis Elhage y famia, Ditiana y Robby
 Hollander-Elhage y famia, Emily y †Arthur de Jongh-Elhage y
 famia, †Philip y Jane Elhage-Peterson y famia

Conosi y cuidado di famia: Rita Becker y famia

Employees nan di Dowco N.V, Amigo y Amiga nan mucho pa
 menchona

Demas Famia: Daou, Halabi, Elhage, Ayubi, Wagner, Fernandez,
 Ras, Leañez, Kelly, Falconi y mucho mas

Nos disculpa si den nos tristesa nos a lubida miembro di famia /
 amigo nan


Ta invita pa e acto di entierro cu lo tuma lugar diabierna 8 di maart
 2024 di 2:00 pa 4:00 pmna Royal Funeral Home, despues lo sali pa
 Santana catolico Pastoor Kraanwinkel na Paradera

Aurora

Royal Pray

Funeral Home & Crematory

"Dios ta amor... y amor ta Dios,
 maske mi no ta na e mundo aki,
 tur dia lo mi ta banda
 di boso Curazon, mi por stens di
 loke Señor ta hasi"
 Salmo 33



Cu inmenso dolor na nos curason
 nos ta anuncia fayecimento di:

Edith E. Ponson-Fawcett

Mihor conoci como: "Nena"
 *01-11-1936 - † 03-03-2024

Acto di entierro lo wordo anuncia despues.


Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Mi no a muri, Dios a hiba mi na e
 paraiso priminti.
 Mi mision na e mundo a termina
 pero Boso cu mi obra lo continua.
 Den cada salida di solo y e supra
 di biento, mi amor eterno pa
 Boso lo tye pa semper.



Cu dolor na nos curason, pero cu
 inmenso gratitud pa su bida y pa
 tur locual e la significa pa nos.

Nos ta anuncia fayecimento di
 nos querida mama y wela stima

Germania Ondina Martinez

Cariñosamente yama "Oma" of "Tia"
 *28-05-1928 – †23-02-2024

Yiunan stima: Wilfredo (Junior) y Maria Labad-Maduro
 Robert (Robby) Labad
 Maritza y Frank Tromp-Labad

Nietonan y Nietanan: Shahaira Labad y Jorge Petrocchi
 Anuar Labad y Diana Castaño
 Shensly y Isabel Tromp-Yagua
 Lindsey Tromp y Jonathan Zichem

Bisanieto y bisanietonan: Milan, Ziva y Emma

Sobrino, sobrinanan, primonan y ihanan: Iris, Rayza, Jasmina,
 Evelyn, Leandro, Ilse, Lita, Efreem, Dr. Batista, Felix Jr. y Chaco

Amigonan: Glenda K, Brenda, Imelda, Milly, Glenda D, Jessica,
 Richard y Starlin

Ayudante: Andrea Cuevas Jimenez y famia

Su bon bisñanan, voluntarionan y miembronan di Funari y Favi.

Su cachu stima: Jack

Famianan: Martinez, Labad, Maduro, Tromp, Petrocchi, Yagua,
 Zichem, Castillo, De Lange, Henriquez, Themen, Kock, Rasmijn,
 Chung, Sneek, Richardson, Batista, Diaz, Jimenez, Ilario, De Lima,
 Schmidt, Maldonado, v/d Linden.
 Y demas famianan den exterior na Corsou, Hulanda, Merca,
 Canada, Venezuela, St. Maarten y St. Domingo.

Oportunidad pa condolencia lo ta dialuna 4 di Maart 2024, 7pm pa
 9pm na Aurora Funeral Home.

Ta invita pa acto di entierro cual lo tuma lugar diamars 5 di maart
 2024, 2pm pa 4pm na Misa Virgen di Fatima na Dakota. Despues lo
 sali pa Santana Central na Sabana Basora.

Disculpa nos si den nos tristesa nos por a lubida un of otro famia y
 conocir.

En ves di flor of kran lo tin un box disponibel pa donacion pa
 Funari.

Aurora

Royal Pray

Funeral Home & Crematory

"Bou di alanan di Dios mi ta sigur"
 Abo ku ta biba bou di amparo di
 Altisimo, ta hospedá den sombra di
 Dios Omnipotente, bisa Señor:
 "Mi refugio, mi forti, mi Dios, den
 kende mi ta
 pone mi konfiansa"
 Salmo 91:1-2



Cu dolor na nos curason, nos ta participa fayecimento di nos ser
 stima:

Jessica V. Petrocchi-Tromp

Mihor conoci como "Yuchi"
 *01-01-1967 - †02-03-2024

Acto di despedida lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa tranquil, pa mi bolbe haya forza.”
Salmo: 23

Cu honda pena, pero conforme cu boluntad di Dios, nos ta participa fayecimento di:



Lucrecia (Greta) Posner-Figaroa

Cariñosamente conoci tambe como Pepe of Omachi
Viuda di Oiky Posner
Lid in de Orde van Oranje-Nassau
*26-11-1950 - †03-03-2024

Rumannan
Tina Figaroa
Jossy y Jane Figaroa-Semeleer
Frans y Gemma Figaroa-Simileer
Evelina y Frenk Laclé-Figaroa
Juni y Maira Figaroa-Jacobs

Manera yiu y nietonan
Ike y Milagros Posner-Perez y familia
Sonia y Willard Mosher-Posner y familia
Louis y Arnalda Posner-Lampe y familia

Manera ruman
Rosa Kelly
Maria Punselic

Manera sobrina- y sobrinonan
Samuel Urbina-Vega
Magaly Kelly
Naty Kelly
Rose-Marie Wentwood-Kelly

Prima- y primonan, ihanan, comer- y compernan

Ayudante stima
Yenny Joven-Matute

Amigonan di cas
Norma y Chido Ras, Jeanette y Frank Bislick, Sarita Lambrinos, Magda y Janchi Laclé, Rosly y Roly Werleman, Diana y Eddy Werleman, Henry Hafeitz, Chichi Tromp, Emiliana Tromp, Fang Cheung, Annemieke Dijkhout, Ursy Nassy, Olivia Figaroa, Glenda Ruiz, Mimi Kelly, Philomena Lopez, Dina Donker, Philomena Winklaar, Alexia Semeleer, Astrid Muller, Yolanda Solognier

Amiganan di Quota Club y demas amiganan cu ta mucho hopi pa menciona.

Empleadonan di Giselle Department Store

Demas familia: Figaroa, Posner, Ruiz, Jaramillo, Semeleer, Simileer, Laclé, Jacobs, Arends, Ramos, Franken, Nicolaas, Vis, Carlo, Kelly, Punselic, Eduardo, Britten, Joven-Matute

Nos disculpa si den nos tristesa nos por a lubida di menciona un of otro familia y amistad.

Ta invita pa acto di condolencia cu lo tuma luga diamars 5 di maart na Aurora Funeral Home di 6:30 pa 9:00 di anochi. Acto di despedida cu lo tuma luga diaranzon 6 di maart 1:00 pa 4:00 di atardi na Misa Santa Anna na Noord.

Preferibelmente bin bisti den colornan alegre.

Acto di cremacion lo tuma lugar den seno familiar.

Na lugar di flor of krans ta prefera si por haci un donacion na Wilhermina Kankerfonds cual ta deseo di Greta. Pa esaki lo tin un box disponibel.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Gracias Dios por el dia de hoy. En tus manos pongo mi mañana.

Cu dolor na nos curason, nos ta participa fayecimento di nos ser stima:

Myrtha A. Vink-Benita

Cariñosamente yama “Tita”
*27-10-1947 - †01-03-2024



Casa: Johannes (Hans) Dirk Vink
Yiunan: Raiza Bernadina, Lea Vink y David Vink
Nuero(a): Rob Martherus, Edward Geerman, y Takisa Dania Nieto(a)nan: Quincy Richardson, Rayzannah Martherus, y Elias Geerman

Bisanieta: Kiyahni Richardson
Rumannan: †Erwin Pacial yiunan y familia, Hubert Schoobaar yiunan y familia, Stella Alberto, Ifna Alberto yiunan y familia, Edna Alberto yiunan y familia, †Roy y †Papi, Gladys Zagarra y familia.
Rumannan di criansa: †Tanchi (Maria), Janina Brugman-Landsmark,
Sua y cuñanan: Guus Honig-Vink y yiunan, Aart Vink y Ans Vink-Driessen y yiunan, †Klaas Vink y Loes Vink-Jonker y yiunan
Subrino(a)nan di criansa: Magaly ruman nan y demas familia.
Amigo y conocirnan: Morela, Mady, Maria, Wim, Ma-Li, Ina, Ingrid, Mirtha, Jacky, Ruthlin, Vivian, Elsa, Jerome, Alberto, Patricia, Maggy, German, Meredith, Edwin, Piedad, Raymond, †Guillermina

Demas familia, amistad y conocirnan: Martina, Hooi, Job, Geerman, LaCroes, Nicasia, Sanchez, Martherus, Goveia, Castaño, Marquez, Bernadina, Dania, Agnes, Claro, Raven, Richardson, dr. Cortes, dr. Franca

Ta invita pa acto di despedida cual lo tuma lugar na Aurora Funeral Home diahuebs 7 di maart 2024 di 2or pa 4or di atardi. Cremacion lo tuma lugar despues den seno familiar.

Nos disculpa si den nos tristesa nos por a lubida cualkier persona.

Aurora

Royal Pray

Funeral Home & Crematory

Lagrimanan y flornan por seca, su recuerdonan y tur loke el a haci y significa pa nos lo keda graba pa semper den nos mente y curason.

“Serca Señor mi ta na paz manera yui serka su mama”
(Salmo 131)

Cu inmenso dolor na nos curason pero conforme cu boluntad di Dios nos ta anuncia fayecimento di nos mama, suegra, wela, bisawela, ruman y tanta stima



Glenda Helena Goeloe

*18 augustus 1941 - † 3 maart 2024

Acto di entiero lo wordo anuncia despues.

Nos ta lamenta cu nos no por ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador pues mi’n tin falta di nada. Den cunucu di yerba berde e ta ponemi sosega. E ta hibami na awa tranquil, pa mi bolbe haya forza.”
Salmo 23

Cu honda pena den nos curazon pero conforme pa tur locual ela hasi pa nos, nos ta anuncia fayecimento di:



Francisca Virginia Werleman Henriquez

mihor conoci como: ‘Rina’
*03-09-1939 - †02-03-2024

Oportunidad pa condolencia lo ta Diahuebs 07 Maart 2024 di 7or pa 9or di anochi na Pray Funeral Home San Nicolaas
Acto di entiero lo tuma lugar Diabierna 08 Maart 2024 di 2or pa 4or di atardi despues ta Sali pa santana Central na Sabana Basora.
Nos ta lamenta cu despues di entiero nos no ta ricibi bishita di condolencia na cas.

Aurora

Royal Pray

Funeral Home & Crematory

Een groot gemis, een groot verdriet, maar door alle herinneringen die wij hebben vergeten wij hem niet.

Na een voltooid leven, zoals Peter zelf zei, is hij van ons heen gegaan op weg naar zijn laatste reis, thuis omringd door zijn familie.

Wij gaan onze ‘rots in de branding’ en leermeester enorm missen.



Peter Westera

“bekend als opa bij velen”
29 juli 1939 - 24 februari 2024

Amersfoort: Michiel & Veronica
Patrick, Berend, Rowen

Leusden: Irene & Chris
Britt, Bo, Benthe

Aruba: Aldert & Samanta
Amanda, Ethan, Nathan

Peter zal naar zijn laatste wens worden gecremeerd in besloten familiekring.

Gelieve geen bezoek aan huis.
Correspondentieadres: Familie Westera, Sabana Liber 76, Aruba of
Per mail: appiesammy@hotmail.com

China ta anuncia cu lo elimina conferencia di prensa anual di premier



(AP) - Gobierno di China a bisa dialuna cu lo elimina e conferencia di prensa anual di e premier cu tabata un di e tiki biahnan cu e lider top Chines tabata tuma preguntanan di reporteronan.

Lou Qinjian, e vocero di National People's Congress, a bisa e anochi prome cu e legislatura su sesion anual cu Premier Li Qiang no lo tin un conferencia di prensa ora cu esaki caba, cual normalmente ta tuma luga tur aña desde 1993.

E decision aki aparentemente ta den linea cu un reduccion di e premier su poder y esun di e gobierno su burocracia en general, mientras e par-

tido comunista su lider Xi Jinping ta centralisa control di e nacion su asuntonan, segun Alfred Wu, un profesor na National University of Singapore. "Pa motibo cu e structura awo ta e lider di e partido, e premier ta mas un implementador di e partido su ordonan, pues e no tin asina hopi importancia mas," el a comenta. "Esaki ta e mensahe principal."

E reunion di siman largo di e congreso mas tanto ceremonial, cual lo cuminsa diamars, ta bao monitoreo di cerca pa cualkier indicacion di ki pasonan e gobierno lo tuma pa mehora e economia den problema. Li lo presenta e reportahe anual na e apertura cu ta premira di inclui e



gobierno su crecimiento economico pa aña 2024.

Riba dialuna, e lidernan di estado incluyendo Xi y Li lo atende e sesion di apertura di un curpa di conseho paralelo, Chinese People's Political Consultative Conference, cual lo tuma luga na un banda di Beijing su Tiananmen Square. Lou a bisa cu reporteronan lo ricibi mas oportunidad pa haci pregunta di ministernan di gobierno y otro oficialnan ademas di e casi 3,000 delegadonan na e Congreso. E ultimo biaha cu no tabatin conferencia despues di e congreso tabata den aña 1992.

"Si no tin ningun circunstancia special, e premier su conferencia di prensa no lo ser organisa den e añanan binidero di National People's Congress," el a bisa, referiendo na su termino actual di 5 aña cu ta caba den aña 2027. Lou, papiando riba un cantidad di topico, a insisti cu China te ainda ta habri pa negoshi y inversion di exterior, rechasando preocupacionnan cu a surgi tocante cambianan recien na e leynan di siguridad nacional. Tambe el a expresa confiansa cu e nacion lo por combati cualkier restriccion cu pone riba acceso na tecnologia.

E vocero a reitera siguransa di gobierno cu revision na e ley di spionahe no ta contra negoshinan normal, actividad academico y científico y intercambianan. China ta den contra di esfuersonan pa afecta y kita balor for di negoshinan den su ambiente pa medio di mal interpreta e ley. E ley revisa ta "mehora e definicion di spionahe y ta clarifica comportamiento ilegal y e linea di comportamiento legal pa mehora e certidumbre y siguridad di companianna den exterior ademas di stranheronan cu ta invertiendo, trahando y bibando na China," el a agrega.

Corte Thaiandes ta retira acusacion di mal maneho di fondo gubernamental contra ex Prome Minister

(AP) - Corte Thaiandes riba dialuna a retira acusacion contra ex Prome Minister Yingluck Shinawatra, ken awo ta biba den exilio, di mal maneho fundonnan pa un proyecto di gobierno den aña 2013, e victoria legal mas recien pa e famia poderoso di e ex premier Thaksin Shinawatra.

E accion aki ta bini poco despues cu Thaksin, Yingluck su ruman homber, a ricibi libertad condicional pa ofensanan relaciona cu corrupcion. Aña pasa, el a bolbe cas despues di mas di un decada di exilio imponi pa su mes y a ser deteni na hospital pa 6 luna despues di ser otorga clemencia pa su edad y su salud.

Thaksin su libertad, despues di casi 2 decada di antipatia entre su mashin politico populista y Thailand su clase conservativo, a trece speculation cu Yingluck posiblemente tambe lo bolbe back pronto.

E ta e veredicto recien mas faborabel pa Yingluck, ken tabata prome minister for di aña 2011 te ora cu el a ser obliga sali for di mando den aña 2014. Den december di aña pasa, e mesun corte a libra Yingluck di acusacionnan di abuso di poder en conexion cu transferencia di empleadonan di cual e tabata encarga. Sin embargo pa bolbe back Thailand sin enfrenta un sentencia den prizon, e lo mester ricibi pordon di Rey Maha

Vajiralongkorn of algun otro forma di clemencia. Den aña 2017 el a ser condena pa supuesto negligencia den implementa un programa di subsidio di aros cu a pone gobierno perde un gran cantidad di placa, cual ta calcula di ta mas o menos 14 biyon dollar.

Yingluck y su sostenedornan a bisa cu e ta inocente y ta ser persigui den un esfuerso pa desmantela Thaksin su mashin politico. El a ser saca for di poder pa un golpe de estado militar den aña 2006, despues di ser acusa di abuso di poder, corrupcion y falta di respet pa e pais su monarkia.

E huesnan a unanimamente retira e acusacion contra Yingluck y 5 otro sospechoso



acusa di mal uso di 6.7 mion dollar cu tabata stipula pa un 'roadshow' cu mester a atrae inversionistanan pa un plan di infraestructura ambicioso, segun un comunicado di prensa for di un curpa spe-

cial bao un division di Corte Supremo cu ta trata casonan criminal contra politiconan.

Yingluck, ken awo tin 56 aña, tabata e prome Prome Minister femenino di Thailand.



'Giselle' Department Store

Ladies & Children Wear ■ Lingerie ■ Toys ■ Household Articles



Lucrecia Posner-Figaroa

mihor conoci como 'Greta'

Nos lo haya hopi falta di nos Greta stima, cu Greta drumi dushi den braza di Señor.

Ta ricibi condolencia:

Na Aurora Funeral Home, Diamars 5 di Maart, 06:30-09:00 pm

Acto di despedida ta:

Diaranson 6 di Maart na
Misa Santa Anna Noord, 4:00 di atardi
desde 01:00 di merdia e curpa di Greta .
lo ta reposando den misa.

Giselle Dept. Store lo cera
Diamars dia 5, pa 05:00 di atardi
y Diaranson 6, lo ta cera henter dia.